

續修雲林寺志

續修雲林寺誌卷六

詩詠

竹垞先生松霽山房六詠

紙窗房簾
前志已收
不重錄

竹垞先生六詩清老簡遠
外有味山房
之所起清矣此菴本名
新蜀又各
名竹垞
今各皆柳柳州嘗云美不自美因人而
亭之佳非遇右軍則清湍修竹焉知不
於空山信乎松霽之待朱老而標也乾
年重九前二日倪君敬堂招同人再宿
漢昭譚兄出此卷求續題余以爲詩不
若力構而強綴之是何異汚銀屏而施
竹枝而加斤耶至詩之不逮竹垞姑且
乃相與閣筆而識數語於軸尾并屬
昭異時勿遽索和杭州後學汪性憲書

四松徑

和作

梁同書

微徑緣秋豪入門四松在蒼濤鬱飛翻側身下煙靄

山茶院

雜蕊紅相對山花已自開童童狀車蓋卻倚蓮花臺

清籟居

石亂上雲氣山光見鳥情秋窗猶曙色虛閣自松聲

西磧

急雨捎溪足茅堂石笋西山家葉正鋤日暮還灌畦

栗園

樹密當山徑風吹細細香山家蒸栗暖野果充餽餽

竹筧

野水日泠泠風雨颯長夏竹竿接嵌竇山頭到山下

先外舅水蓮先生記而不題以爲詩不在多
且囑主僧無遽索和余小子乃於五十年後
忽犯汗屏規竹之戒耶姑以山僧再三之請
集少陵句如數應之他日以爲口實當自余
始慙愧慙愧罪過罪過乾隆戊申中
秋後二三日頻羅菴主不翁同書并識

四松徑

見頻羅菴集改本四首

入門四松在清風爲我起高人浮雲端響下浮雲裏

山茶院

紅稠屋角花春色浮山外卻倚蓮花臺章章狀車蓋

西磻

澗水空山道未盡喬木西畦丁負籠至洗藥浣沙溪

竹筧

竹竿接嵌竇嵌竇潛洩瀨山頭到山下通流與厨會

餘二首同前自戊申至今越七年偶於小年
孝廉齋頭復見此卷因別錄二紙附致山房
主人不敢重污卷尾也時甲寅三月十五日同書又記

四松徑

和作

丁敬敬

偶坐松下石愛此石上松輕颺忽窺人露滴聲重重

山茶院

誰以赤玉盃滿注黃金芽闍黎供佛八兩樹山茶花

清籟居

淡然溪上居月好樹先得老僧斷聲聞一任風起滅

西磧

西澗雲林西曲折遞隱見流出冷泉亭閒浸雲一片

栗園

霜飽栗房開風勁栗葉墜錦里先生園清味甯是過

竹筧

泉脚青裊裊筠筒與之俱客來熱惱捐冰液滿香厨

松露山房

鴈鵲焚香

垂蘿絕壁明畫燈我來亭午無炎蒸上方佛面如滿

月平地松影疑層冰八分門榜百金直

松露二字書朱竹坡六史

人分六時茶板詣天稱白公有語卽吾語他生願作

此山信

夜宿松樹山房

閒房駛雨過林杪挂星漢涼深欲添衣不但殘暑追
楚孟焦饑食花巾奉清盥相偕靜者流共待疏鐘斷
夜闌空山黑月吐翠微半澄輝漾庭戶秋影互凌亂
露過鳴蛩急坐覺歲時換人生非學佛詎免近暮歎
感此不能眠衰回以申旦

姚北邨遠報招遊靈隱華嚴閣晚眺

杭世駿

荊甫

探閣奇天半招攜同躋攀靜釋城中戀飽看門外山

翠綠堆蒼苔，點白插其間。微霜爲渲染，著色黃朱斑。
妙趣非前韻，偉觀不眾賢。頗疑我屏列，巧與高齋環。
萬象收真色，一鳥投空閒。清梵宵夜課，華鯨催客還。
頭上高僧宿，客步嗟來艱。俄延林月黑，咄幌乃不關。

蘇隱寺月夜

厲鶚

夜寒香界白，清曲寺門通。月在眾峰頂，泉流亂葉中。
一燈羣動息，孤磬四天空。歸路畏逢虎，況聞巖下風。

借石湖張貝葉經并序

丁敏

長安張氏素香天竺人，雲林寺與弟基上人
登寺三會，欣聞休容，盡爽茶話，頃以歸住山。

目下重見示奇古尊重開筵肅然第几余等
能忍士但曉惜昧梵字未辨攝自何藏耳
目誌長歌以俟彥琛元英其
人且言吾生斯世之非偶

蔡侯造紙情思竭海內方知擣麻穀敢緣敗網盡入
用未成十寸逾千幅印埽典籍散天下倭遠蠻貊皆
易盲篋穿誰謂鼠無牙厨局多付蟬充腹遣一難逢
從事賢在片語資奸相毒蕪糜竹爛石曰穿應使嗽
嗽鬼騰哭何如天竺古先生惟用本來真面目多羅
力又質獨異產自建耶補羅國形模簡尺翦刀裁書
寫靈文備恭肅不訖人間造孽塵能使蒼生罪還福
雲林禪房頰幽曠上九風光媚梧竹借秋閣上一來

看慙愧閑黎爲開櫝稽首皈依四悉檀齊心冀代三
熏沐展舒鄭重妙香中潑眼山光浮几綠橫經半川
縱三指顏色渾同截蒲籙次第流觀卅四番梵宇方
行往而復歸聯勢鬚隊行蟻勻整依稀布元粟起左
迄右書反覆戰宇雖多川材縮細探筆法轉奇妙氣
勢盤擎森縱伏橫牽逆拂合頓挫側點斜飛存楚鯨
緬想西天尊者閑林下徐調墨瓶墨毛錐未合揀鷺
翎松液縣知煉雞足洗手聊爲謝客繙彈舌慚工阮
咸讀恍共涪翁觀寶軒失卻人間垢全黷中央環束
貫弱綰上下平齊夾輕木紐以紺文昔代錢馬奔陰

縵鉤姿活橫書進歲記咸平趙宋官家舊曾囑瑤島
香飄供養嚴鼎湖雲合升遐速世易還同佛爪飛物
存亦似龍髯脫霧黃灰黑任塵寰鬼護神呵自幽谷
疑是分來榆櫺中供出摩騰法蘭祇求經昔者聞顯
永元樊遐踪實私淑白羽雖能軫客心黑獅未畏養
人肉鱷齒騎河波浪勁羊腸澁徑峰巒竅餽濟餒
口頻噤柳栗支疲手常瘞林紆野迥萬由延國異城
荒幾重複開士從來悲願洪誓將大地迷雲霏焚啟
齊裁詎偶然書親半滿休匆促寶光舊祕載南都溥
山往賜傳西蜀三葉僧誇開福專閩人姚旅猶登錄

伊予所觀况圓成湛湛摩尼動盈掬一卷還聞此國
清慈光我浙瞻雙燭佛語真文遭遇難何啻靈山親
付囑老夫貪佛能自信飽卻平生清淨欲再觀粘紙
字分明彈鋏後人知不俗芸槐荃囊獲弄藏信渠古
佛因緣宿捨到香龕定幾時得無避起龍蛇陸懷古
摩挲意轉長不覺頽陽閃林麓日月無端祇促人難
駐景光當眼新一穿薄葉千年在誰識禪枝劫外春

貝葉計四十冊番兩面皆有梵字第八十七
面無梵字小楷橫書咸平三年九月十七日
進十字精紙注護經木面之腹粘箋紙一
條上左書貝葉經三字下右書古佛弟子馮
武敬藏下扣馮武私印字立陵兩
離字印氣約妍雅是明季人也

貝多山摩伽陀國長六七十丈經冬不凋此樹
有三種一者多羅婆娑日力又貝多二者多
梨婆娑日力又貝多三者部婆娑日力又多
羅梨娑日力又貝多三者部婆娑日力又多
之貝多是梵語漢翻為葉部閣一色取其皮書
者漢言樹葉也西域經書用此三種皮葉若
能保護亦得五六百年唐段成式酉陽雜俎
齡前山記稱嵩高寺中有思惟樹即貝多也
傳貝多葉似枇杷並謬齡前思惟經顧徵廣州記
枝彈材中第一齡前右嵩高記以下三條並
著於段氏酉陽雜俎思惟樹即菩提樹也云
即貝多乃嵩高記之謬誤蓋釋氏有貝多樹
下思維經顧徵廣州記稱貝多葉似枇杷並
謬乃段公注嵩高記一則下以闕其謬者後
之抄書者不審誤抄為二則至明代詹景鳳
小辨遂言貝多葉中華多有西域特以佛教
異之皆不審之誤耳至段公自言交趾近出
貝多枝彈材中第一亦是未經目擊貝多樹
全體惟憑口傳之誤貝多樹當以大唐內域

記爲可據依蓋當日元明氏所親至西域出
貝多之林日擊所記最爲真確也亦並不言
有一種皮可書者此乃段公據他書所輯西
域記段公當應未之見矣惟段公所引漢譯
兩語惜宋僧大雲作翻譯名義未得收入豈
大雲未得見段公書耶當再考之敬身史記
往客雜揚見亡友汪雪礪所藏吾鄉湯少宰
西涯先生詩稿一冊塗乙過半寶之幾與魯
公爭坐位等今觀丁隱君貝葉經歌凡七易
其稿誠蘊薈林中之名蹟也寺僧其實藏之
何琪

貝葉經詩

梁同書

右貝葉經四十四葉第一頁只有一面字餘
俱兩面梵書至末頁背書咸平二年七月十
九日進字橫列左旋字徑二分梵書字徑一
分丁龍祖歌共有七易葉本張芭堂審定計
九十八句六百八十六字後又有清
葉另譜冊頁一本并後附貝葉經考

龍泓先生貝葉歌稿凡七易稿不磨點竄塗改無罅
縫結字如蟻如蝸羸誰其藏者門弟子幅幅清河印
泥紫春松魏侯偶乞去得橫卷裴池丈餘咫榆檣爲
雨暉錦新隸古鐫題丁隱君置之借秋閣下多羅側
正本副本齊齋薰又添驚峰一段好清話定有騷人
墨客傳詠新詩文嗚呼古人吟安一箇字撚斷數莖
頷下髭況此長歌六百八十字有奇推敲豈免無遺
疵紙尾敬叟定本記至再想見先生落筆慘澹經營
時

八月朔日山舟詞
書時年八十有正

錢塘丁隱君名敬字敬身自號錢丁自得龍
泓山人其品極詳杭太史世駿所撰丁隱君
傳欠著硯林詩集集中具葉經歐有手書冊
藏借秋閣北歐凡七易稱歲久參錯不能辨
次第余弟春岑茂才景甫諸審竟日排定前
後作者句斟字酌之苦心於是乎見後學魏
嘉穀謹記

貝葉經歌

吳錫麒

我聞貝多葉經四十夾道圓獻自乾德年此經乃題
咸平之中進惜哉姓氏已不傳當時我佛吉祥坐思
惟願結菩提緣上垂瓔珞互圍繞下誦銀塔紛排連
金剛作身瑠璃幹埽除八十萬眾天魔纏手披不彫
葉寫以阿耨泉五指突現五師子筆鋒所到神力全

歷萬由旬達中國。牟尼昭耀空王筵。或云馱來自白
馬。或說佛力渡以大願船。豈知遠隨鷲嶺夜飛至。千
年尚帶靈山煙。借秋閣裏秋正好。簷花灑露涼娟娟。
開竈客請開淨眼諦視。但覺光瑩然青蒼一色無向
背。竹膜失滑苦輪鮮。長尺有半濶二寸。肌理密似兜
羅絨。其書非草非篆隸。旁行欲與天左旋。圈一點
各殊勢。不逢鳩摩羅什誰能詮。平生瓶鉢有夙契。敢
謂文字非眞禪。舊聞泓龍老居士題詩語。語工瑯鐫
吹螺貝。渴獅絃。惟有此經足稱琳瑯篇。惜哉僧如亞
羊不能讀。竊恐一旦藥叉失守成棄捐。安得百嬰牛

乳和灌注俾之生葉展放有如千葉蓮揮毫書六
百一十七部大采旨庶幾三千大千世界永遠垂無
邊

此余壬辰舊作也詩人不存今年偶檢舊稿
復得之於篋中適春松觀察以此卷索題即
爲書之予上以見前輩一詩之成至七易稿
而不倦如是余輩信手塗抹自以爲詩無佐
於其不足存也因并以志愧
云丙寅七月穀人吳錫麒

借秋閣觀貝多葉經

黃模書

四十四葉金仙經非縑非楮非汗青芭蕉紋瑩縹膚
膩一串重無鵝百翎墨痕香沁蠅頭聚八分二篆爭
奇古左行線繞往復還末題進自咸平間當時四海

獻祥瑞此經亦自西天至萬本靈芝轉眼空千年薄
葉雷龍宮借秋閣下新來看翠涌蓮花晴對案君不
見蓮花峰畔古層臺謝公會此繙經來

貝葉經詩

魏成憲

借秋閣貯貝葉經誰其歌者丁鈍丁長歌與經意無
極禪枝時吐天葩馨洗心已悟諸妙諦覓句曾掩雙
林局苦辛幾度蛾時術塗乙七稿鴉翻形乃知經營
先慘澹吟成擊鉢鏘流鈴世人言詩太鹵莽操觚率
爾鐘撞楚張生手持蠹殘本謂如初寫傳黃庭一回
括出一新義幅幅點鼠思通靈感生贈我重遺翰先

友寥落嗟晨星不藏於家藏僧舍以貽來者見與型
他時洛誦資副鼎山門同鎖頻伽餅護持四十四番
梵文古永與閣外驚峰相對青

丁隱君龍洞先生具葉經歌舊與經同非
隨之借秋閣此錄凡七易稿張芭堂同年全
得之舉以見贈因裝池成卷蜀寺僧並藏之
以爲山中故事云嘉慶丙寅臘月朔春松魏
成憲
并識

遊靈隱同受銘賦四首

秀水汪 筠 立

南山路未踏且與尋北山陰陰九里松礧水流琤潺
過橋寺門見弗藉藤蘿攀

湖邊花減色山中樹已陰煙雲況繚之臺殿相高深

風鈴靜無語自下雪堂禽

何來竺國峰飛來不飛去下洞雲吐納陰林泉沮洳
誰歟宋平章苔蝕題名處

嶙峋理公塔兀立斜陽肅憑憑何處雷法鼓動天竺
欲觀滄海月更上韜光宿

坐冷泉亭汲泉煮茶

泉韵竹之清泉色雪之潔峰陰萬古冷非竹亦非雪
虛亭人影悄落日雲光微汲煎了真意不在冰芽啜
青天此間靜林鳥六時悅日來泉上坐安得塵心熱

登飛來峰尋蓮花泉

程之章
柯坪

連山隱湖西詭狀走嶧蜀靈驚峰最奇嵌空滴乳絲
住探慳餅性矧可逃暑潯涼蟬導我前煙術幾縈曲
初穿猿洞穿旋跨石梁嘉側笠遲松吹撥策散雲族
登頓躋其顛演漾一潭淥老衲爲指點蓮泉名自夙
圓圓規洩珠晶晶奩啟玉漪漪簞穀鋪菽菽風葉撲
酌宜斟藥瓢煮可供茗斛源深徑轉僻伊誰叩幽躅
參寥昔未嘗桑苎偶失錄旣絕水符調亦鮮竹覓續
如彼遺世仙抱影寄空谷三歎感微言出山泉水濁
甲午春季同得真姪巨曉上人重遊雲林遇雨

錢唐

徐

鑰

心潛
開亭

亭亭櫺櫺林厯厯生肖石來游而來歌夢寐縈日夕
大宮展新霽似勸理舊跡竹間開行厨拾舟復理策
偃僂入洞府異境太古闢仄徑僅容趾懸巖屢觸額
迴環應真像何止船五百忽聞闌黎鐘疑布道安席
徑思染繅素寫此好窟宅兩師不我貸亂灑飛點白
邨虎吠迎人歸途見笠屐

靈隱書藏歌

嘉慶己巳冬十月二十二日

翁方綱

靈隱書藏事孰始始自杭刻朱翁詩朱公未及藏記
讀阮公索我書之碑我詩已愧阮公刻繅此議藏能
毋嗤同人去夏集湖上石子鐫我碑壁詞僉曰一集

未盈篋盍仿曹氏書倉爲遂啟佛閣厨七十以備續
度籤裝治主以二僧編以例匡廬白集寧聞茲石子
書來趣函寄正我盟寫金經時古稱大都與通邑名
山藏副于京師名山名刹更增重豈比家刻傳其私
苟非慙之免指摘或且倍甚來瑕疵往者新城王叟
集青藜劉君隸寫之頭藏嵩少果踐否林吉人楷名
空馳嗚呼寸心千古事甚於鏡影公妍媸念此彷徨
汗浹背頭緘汕素又屢遲上有靈峰下湖水鑒我樸
拙心無歇繼有裏函來寺者何以助我加箴規寫經
微願那足補日日齋旃勤三思

寄題雲林寺壁

戊辰秋九月

未忘迦葉散花天
敢擬繡經宿墨緣
盟手初煩僑舍客
齋心聊當汎湖船
青藜分隸曾何有
白傳匡廬不偶然
幾句研屏新偈子
多慚紫竹石幢邊

和作

石韞玉

手寫曇章付梵天
靈山結集舊因緣
復持法藏眞如印
接引迷津大願船
古德莊嚴千劫在
新詩微妙一燈然
他時同證菩提果
仍約皈依絳帳邊

和作

己巳立夏日

陳廷慶

迦昔蘇齋立雪天
於今白社遂奇緣
身能不壞塵中

劫情自頻移海上船初地千秋繡般若清齋一食致
脩然同欣香瓣梅檀護夢遠西泠鷗鷺邊

戊午五月二十六日靈鷲峰銷夏聯句

山郭緬激波

宋賢陳廷慶古華

沿隄快新霽綵卷千樹穠

安邑

宋葆清

紅擎萬荷麗筍輿先後來

婁縣楊之

松磴雨

芝山

三憩疊足山龕從

錢唐何元錫夢華

撲眼石淩厲泉喧橋影

圓

儀微阮元芸臺

亭敞茶煙細呼猿已無聲

古華

飛鷲頗有勢

張翼障日高山

芝山

垂啄啄雲銳迦陵遠流音

寶山

圓澤近

同諦結夏慧理巖

夢華

論古咸和歲

開山自晉咸和歲始

蠟屐穿

玲瓏臺

芸

藤杖閱迢遞一派瀉龍泓

古華

千盤擁螺髻具

相嵌莊嚴

芝

題名雜分隸洞窺一綫天

賀

臺譯千佛

偈登頓竟忘疲

夢

脫略了無繫高軒尋補梅

芸

臺

軒有老梅已枯余屬僧補茂之爲題補梅軒額

層

椒遲訪桂往迹追白蘇

古

華

忘形到支惠佳筵浸清寒

芝

伊蒲出新脆解衣任劇

譚

山

臨池更游藝

畫法尙夏圭

夢

華

硯懷抱劉蛻

余

藏

和

賦

研

及

竹陰午夢清

芸

槐院晚蟬

嘒歸思趁吟鞭

唐

劉蛻

古

涼風襲行袂

出山尙聞鐘

芝

瀕湖重鼓柁

回指翠

微閒

賀

卻語煙波際

此游殊灑然

夢

後會良可繼

潺

暑翻避人臺

芸

我東日西逝

古

華

夢華裝此卷雷藏靈隱後此游踪續到皆可識於卷尾

戊午六月既望于興秦州官芸閣詔元和張
勿謂同爲月夜之游自金沙港策騎過九
里松濤月色皓潔林徑無人夜鳥听應至冷
泉亭將二更泉聲泠然塔影自直三更入補
梅軒聽揚州偶然上人彈琴

接楊小婁東方曙矣阮元識
芸臺中丞視學浙江時借資客鷺峰消夏聯
句作圖載之定香亭筆談中洵盛事已嘉慶
丁卯六月望日侍家人道人遊靈隱上巖光還
憩補梅軒聽品蓮上人彈古琴數弄林陰自
移川瀨相答翛然有松風水石之思不知炎
曦之退舍也上人出紙此圖圖中之人各已
星散而妙墨依然市叛無恙益歎嶺上白
雲不如老僧爲更開也吳郡潘世恩識

雲林看雨圖題句小引
元秋
元和顧宗泰

時同古華太守琢堂殿撰蔣邨學博簡塘茂
寸應品公長老招適山中下兩相與茗話竟
夕蔣村倩西澗徐君爲
繪斯圖題得七古一首

西竺飛來一靈鷲林泉勝槩無出右五山雲影案前
奔九里松聲簾外吼年來攜杖游龍龕陰晴殊態分
虛嵐幽淙合澗穿亭人寒翠環門取逕探蘸筆池頭
一夕雨雨中畱客揮松塵三五同人無雜賓湖山得
地皆爲主況結名僧翰墨緣偕擁書城半壁天惠遠
香溪招淨社己公茅屋賦新篇昨朝霽訪巢枸曲人
行叢篠鬚眉綠清江入掌紫煙消滄海回眸紅日浴
今逢晝晦花冥冥窗中窈窕迷山屏一掃塵機多逸
趣差堪酌茗兼談經佳游猥入龍眠手話雨圓成良
不偶他日重來證此因催詩又恐風生牖

題雲林看雨圖

庚午上巳

石韞玉

步出鳳山門，眾峰揖我前。二三素心侶，相約同逃禪。
初參慧理塔，乃登妙喜筵。洗心八德水，合掌九品蓮。
白雲鐘方撞，綠雪茶已煎。是時尚盛夏，晝日長如年。
讀畫逢快雨，鼓琴和鳴泉。或觀貝葉經，或讀山居篇。
樂哉山中趣，主客皆流連。偶畱一夕話，亦係三生緣。
有圖復有詠，共託各山傳。而我轉一語，天地風輪旋。
四大偶和合成此法界，圓空華倏生滅萬物無完堅。
擊電機易失觀，河境屢遷世間有爲法，執著皆煩惱。
嗟彼春蠶絲，何苦多牽纏。吾生幾須臾，飄若火上煙。

摸象鮮定見得魚終忘筌埽除一切淨覺海真無邊

題雲林看雨圖

庚午大暑七日

陳廷慶

餘杭山水甲天下靈鷲飛來更奇絕五峰蜿蜒三竺
蟠中有猿洞龍泓穴流泉琅琅奏玉琴過客飲消熱
中熱晴朝月夜遊固佳冒雨看山心眼澈雨珠噴薄
泉紳垂坐對定僧忘言說香山作記香光書拈花妙
手淵翻舌蘇齊夫子渡迷津衣蓋西湖悟釵折醉僧
不作休種蕉智師若在當裏鐵已公茆屋賞新詩尊
酒肯爲陶令設書藏觀書一再來羣公巨筆許燕掣
同游顧石雨詩仙客來先留鴻爪雪能事迫促癡虎

頭坐使驂駟笑疲鼃境過情還詩思杜迴鵲似困解
魚鰈百年富貴艸頭露一老風燈浪飄瞥欲行不行
香積慳未共春游良會熟蘸筆池邊汨汨源爲感逝
川蟬鳴咽如來無來亦無去眾生不生亦不滅爲締
名山慧業緣且襍琳瑯屑木屑冥思欲踐生前諾方
苦鈍根遲下劣忽驚幽壑舞潛蛟巨瓢傾倒黃梅節
瀟灑漑滂蘭亭池渴貌一飲橫流決問於齊楚吾誰
從叢爾小邦陋滕薛蓮公且勿笑磨甄墨妙應教蚤
鐫碣徐凝匹練流青山銀河挽上金尊凸

題雲林看雨圖

庚午七月

顧翰

遙看靈鷲繞雲根萬綠溟濛到寺門涼雨灑巾輕墊
角曉煙拍袂欲畱痕風高檜影有巢鶴香細旃林正
飯猿聽到琴言遺世慮心清不礙冷泉喧是日聽品公彈琴
六時清課閉松關鐘磬琅琅木石閒夢入水晶依淨
界髮晞蒼翠近煙鬟世間文字最能壽時靈隱書物藏落成
外禪心只是閑惆悵塵緣一彈指徐熙愁墨畫春山
家星橋先生已物故矣

山霧隱至韜光

陳均受笙

乍盤飛磴上青天回首諸峰化碧煙泉響細穿千窻
落竹光高捧一樓圓禪床暖抱初生日丹竈香畱不

死仙坐久鐘聲催客起白雲無數拂吟肩

飛來峰

我聞雪山蔥嶺西萬里驚嶺青橫祇洹水五印度出
羣靈朝叱咤能教頑石起風雷擲落湖西頭眾山無
色真宰死至今矯首摩蒼穹欲落不落天門空全身
亂垂紫瓔珞萬柄倒插青芙蓉羊腸百折洩雲氣笙
簧眾竅鳴天風分明一石一天地太古面目無一同
客游不辨諸洞戶駭觸蛟螭踏鐘鼓日光一綫穿空
青照見天形若懸杵暗雲盡日吹奇香石液相和化
鐘乳乳間的的蓮花開承趺上有千如來手招玉狗

灑秋雨笑弄飛瀑成春雷呼猿老衲去不反但看日
月照曜青林臺君不見祖龍鞭石海難渡五丁驅山
險如故理公此語亦太奇石儻能言定生悟華嚴妙
理本虛空卻與詩家證幻趣還尙招手告山靈祇許
飛來不飛去

龍山次韻

釋慧明 性原

龍山吾兄瘦無肉度量汪汪幾千斛看他小小現神
通彈指遍遊諸佛國枯禪久甘藜藿腸節身不在食
楓香頂額一著超言義二三四七空搏量從古風顛
稱普化格外元機未爲蹉等閑打出觔斗來傳得師

眞能幾箇而今痛自發其光卧雲深處開巖房是非
榮辱我何有一時粥飯還如常

又

乳虎已有食牛氣况是親從道場至入門未辨主與
賓輒問西來祖師意水之外也藍之青當陽哮吼人
皆驚豁開自己神通藏剖破微塵出大經永嘉作顯
唯證道凡聖兩途俱淨掃曹溪一宿歸去來珊瑚枝
上日曛曛

淨慈次韻

十里平湖一鏡開六橋險峻滑如苔直饒不滯程途

者到此依然喫跌迴

以上三首見名僧輯略

還俗僧復祝髮入靈隱

釋祿宏

蓮池

數年佛殿蔓延一瞬魔宮震肅卽非新起規模原是
本來面目

見雲棲大師山房雜錄

飛來峰

釋元尹

宇亭

飛來峰既是飛來何事飛來更不回今日果能飛得
去飛來方不使人猜

壽諦暉和尚九十

十百春纔九十春童顏皓首正精神壽同寶掌山同

佛海內今推第一人

題雲林仲齡禪宿照

淨法界身本離名貌七十餘壽如海一泡紙上描來
何肖不肖恐後無憑寫此爲照要識仲師眞面目麼
生也不道死也不道

以上三偈見泊齋集

驚峰度夏

釋義果 巨海

人間三伏苦炎蒸一入雲林爽氣增翠篠陰森開石
壁冷泉聲瀉濯溪藤蒲團竹版形先樂茗椀爐煙理
更勝何用他山重策杖應教於此學南能

辛未三月初四日

聖駕臨幸雲林恭進迎

鑾三首錄一

天垂紫氣下穹霄
萬類歡騰樂奏韶
花萼齊開春正麗
雲霞五色慶非遙
南山瑞霧崑呼迥

北闕恩波盛代饒
山野欣然爭獻祝
太平綿遠賀

熙朝

冷泉亭晚步

日落支藜一散人
竹深泉冷最怡神
忘歸踏徧空亭翠
海月飛來不是塵

清明後一日

聖駕再幸雲林

欽命採茶敬進一首

霧鎖雲籠春豁開

翠華重幸鷲峰來

恩高親選龍芽嫩片片香吹遍九垓

咏飛來峰

飛來八面石玲瓏片片如雲嵌碧空六月清涼森翠
篠三秋燦爛醉丹楓藤蘿猿嘯藏仙跡蓮萼峰高護
梵宮千古令人頻仰止根同天地壽無窮

冷泉雪夜次韻寄桐孫先生三首

雪滿山中一短亭
鐘魚聲杳罷談經
不眠自愛焚香坐
但覺心空境已靈

鷲峰周匝護寒雲
玉屑霏霏照夜分
遙憶故人當此候
新歌白雪許誰聞

名高江左負雄才
別後相思夢幾回
老興應須重訪舊
孤山梅待破春苔

冬杪歸雲林和韻奉寄王桐孫先生二首

木落滄江暮扁舟意獨閑
僧歸千里外雲接兩峰間
卓錫開詩卷回頭憶夢灣
徘徊冷泉月夜照鶴孤還
佳侶愁離別音書望雁行
夢深疑化蝶鬢短欲生霜

己入層峰隱其如一葦航應期重問字更索檢奚囊
韜光卽事用陳長沙公韻

密竹深藏磴岩堯上翠微山空容樹老僧定見雲歸
香界消塵思疏鐘送落暉窗開湖海近指點片帆歸
詠飛來峰

璚璫一拳石何代自飛來古洞吹清籟蒼藤結綠苔
山根泉冷潔峰頂塔崔巍誰更攀猿嘯詩成白雪才
丁酉秋杪雲林紀興二首

兩峰高矗碧天低白石蒼苔路不迷斷壁雲飛泉獨
冷深松人靜鶴雙啼六朝山色常迎座五夜鐘聲忽

度溪眞令往來多駐足煙蘿們偏好丹梯

憑高一嘯眾山低霜葉飄空望眼迷扣石靈峰應解
悟呼猿深洞似聞啼憑誰聯步臨丹壑送客回頭見
碧溪多謝天親微指示蒲團坐處有雲梯

雲林賞雪

鶴唳空中不見飛六花堆滿薜蘿衣練拖雙澗凝寒
碧玉削千峰失翠微大壑風迴清籟迴虛亭人靜野
雲依短筇更發孤山興欲折疏梅踏凍歸

冷泉亭

亭開煙水愛憑臨千古空塵一鏡明雲定竟忘棲竺

國客來應說到蓬瀛澄涵月色心俱冷響雜松濤夢
轉清自笑句留延歲久軍持贏得世緣輕

余得交汪玉依先生幾三十年矣己未春先生
由淮揚之天台道經武林重過冷泉枉顧以
佳什茗果見貽適值他出未獲相迎因和原
韻二首卻寄

遁跡頻驚歲序新芒鞋筇竹老閒身二年未晤天都
客二月猶寒鷺嶺春曾許攀依風度好最懷酬酢性
情真雙鳬暫駐留佳句繞徧梅花亦惱人

廣陵一水趁晴春路入天台景倍新嫩柳那知遙別

夢仙桃應待舊時人
蘭言想像渾如玉
雪曲推敲早脫塵
直欲從君重選勝
不同劉阮乍迷津

松靄山房新閣看飛來峰紅葉兼贈主人

鶯嶺千層綴晚風
枝枝霜葉總瓊瓏
霞明五色呈詩瑞
錦襯三秋妙化工
仙客嘯歌雲樹裏
高人吟醉畫圖中
不辭晚暮看無倦
宛在蓬萊第一宮

奉和博菴同門飛來峰看紅葉原韻

霜醉秋林片片紅
飛來峰更不相同
雲章灼爍南山北
霞彩光華西竺東
曠代奇觀留勝跡
仙人椽筆繪虛空
冷泉映帶猶堪賞
錦繡全收一鏡中

冷泉亭

滿江紅

宋 辛棄疾 稼軒

直節堂堂看夾道冠纓拱立漸翠谷羣仙東下佩環
聲急誰信天峰飛墮地傍湖千丈開青壁是當年玉
斧削方壺無人識 山木潤琅玕溼秋露下瓊珠滴
向危亭橫跨玉淵澄碧醉舞且搖鸞鳳影浩歌莫遣
魚龍泣恨此中風物本吾家今爲客

明李太后寫九蓮觀音在借秋閣

西湖月

厲鶚

恩恩夢了華胥早驚樓窗前現將圖畫翠瓊長帶積
纖筆勢冷綃光研巖居瞻瑞相傍一榻松風塵外挂

任世上苦入秋心依舊九蓮開也 暑年髣髴神宗
說侍養深宮白頭閒話月輪圓裏山河小影似驚飄
瓦興亡多少事便指與枯禪應淚灑已零落監當時
奉香黃帕

九蓮觀音又稱瑞蓮聖像明萬厯己丑年製
士打一印其文曰慈聖宣文明肅皇太后之
寶徐枋識

冷泉亭 高陽臺

桐鄉 朱方靈 春橋

密樹凝煙幽泉咽石人從寒綠中來小樣山亭扶闌
恰面陰崖須臾月映前溪路似平磨菱鏡初開看浮
光漸到空林又到空階 泉禽響處人聲靜只露滋

竹粉風墮松釵好夢今宵定應不落塵埃歸途况與
花宮近聽鐘魚更愜孤懷又何妨如水涼天小住爲
佳

冷泉亭

清波引

上海

張熙純策時少華

古潭如鏡浸山骨一泓綠淨乍窮苔磴有亭而蒼嶺
竹梧蔭寒翠卻與香林遙映石泉當檻泠泠似琴筑
澹相應危闌悄凭坐清晝幽趣自領壁華妍觀谷
禽啼煙景白雲忽飛去遮卻前溪樵徑試聽上界疏
鐘月來松頂

飛來峰

謝中丞

摩天王筍怪岩岑聳峙時玲瓏誰鑿見說靈根分雪嶺
還似舟移夜壑碧磴斜通紅泉側瀉霞表孤莖擢人
行木杪烈風時撼青蔚 況值葉落蒼崖苔空翠壁
一片霜稜削樵跡塵蹤渾不到寂寞招提鈴鐸古洞
煙封危亭徑絕地迴渺難託夕陽欲下切雲還嘆寒
鶴

冷泉亭 步月

吳趨張 訓

碧巖雕雲玉壺卷暑老蟾夢醒瑤闕露華潑翠濺廣
寒冰屑俯流泉一掬秋心移晚境滿林晴雪松陰靜
蟹眼乍翻素瓷凝滑 宋絃清弄發疑喚起姮娥環

珮葉葉瓊田萬頃更新涼萬疊問裝就七寶樓臺記
畱我桂叢香窟憑闌久休做睡鄉倦蝶

雲林寺續誌卷六終

續修雲林寺誌卷七

題名

唐源少良等題名

監察御史源少良陝縣尉陽陵此郡太守張守信天寶六載正月廿三日同游

右題名在下天竺摩崖文五行正書徑寸按源少良新舊唐書皆無傳惟唐書宰相表有之元和姓纂少良爲國子祭酒匡贊之子又爲司勳員外郎御史臺精舍碑陰二見其名北魏書源賀傳太武帝謂禿髮僧儁檀之子賀曰與卿同源可爲源氏

源之得姓始此陽陵官縣尉行事無考唐書有陽
惠元陽城當是其族也張守信官餘杭郡守史傳
皆失載咸淳臨安志亦遺之惟太平廣記謬誤門
引紀聞云唐張守信爲餘杭太守據此可與題名
補入志乘也唐天寶元年改諸州爲郡改刺史爲
太守改杭州爲餘杭郡而地理志于江南東道十
九郡更名者僅錄常睦處福四郡其餘皆從略未
書宋周文璞遊天竺詩靜看唐人刻相連坐石陰
又尋得數行天寶字破他一夜草堂眠皆指是跡
云

唐盧元輔詩刻

游天竺寺 大唐杭州刺史盧元輔 水田十里學
袈裟秋殿千金儼釋迦遠客偏求月桂子老人不記
石蓮花武林山價懸隋日天竺經文隸漢家苔壁竭
皇鍊來處泐中修竹掃雲霞

右在飛來峰神尼塔傍磨崖文九行左行正書徑
二寸此詩全唐詩未載按盧元輔於德宗時自河
南縣令除杭州刺史嘗於武林山作見山亭見咸
淳臨安志又胥山碑銘元和十年盧元輔文王邁
書見輿地碑目此疑亦元和時刻又陝西通志云

盧元輔滑州人曾爲華州刺史郎官石柱題名有金部郎中盧元輔白樂天有盧元輔除杭州刺史制中云嘗守商都再領京縣皆其歷官也石本泐中修竹掃雲霞泐字係原刻修竹二字係改鑿大唐二字亦添補西湖志作洞中蓋據文理未見石刻也

錢塘吳氏尺牘

焯

跋尾曰此詩其文左行自題杭

州刺史咸清志古今郡守表列元輔名于德宗之朝攷元輔胥山祠銘序云元和十年冬十月朝散大夫使持節杭州諸軍事杭州刺史上柱國某視

事三戡據此則元輔於元和八年守杭是爲憲宗
朝事非德宗也命守時白文公當制制云河南縣
令盧元輔蚤以學藝列在周行嘗守商都頗聞有
政再領京縣益見其才江南列郡餘杭爲大征賦
猶重疲人未康藉爾登車往分憂矧勞徠安緝稱
朕意焉懸賞旌能以仁報政可杭州刺史此刺見
白氏長慶集元輔山畿邑得領大郡在杭作見山
亭于靈隱山其銘胥山之祠文辭浩博斐然可誦
獨此詩諸志失之惟宋僧遵式著天竺靈苑集有
桂子詩序僅載此詩片桂蓮花二句又稱其名爲

盧公輔于是此詩闕于蒼煙翠靄中者幾一千年
余仿求得之亟命洗刷敲搨害其字劃完好且可
以補唐人詩之闕惟昔曹通政奉

旨刊全唐詩于揚州巡鹽使院

上命詞臣十人事校對吾浙三人時議唐人之未備者
當訪石刻以補之事急不復增益識其語于凡例
竹垞老人偕余適在比南下約余及其宗子寒中
門生戴坤釜擬搜一編號日補天石後竟不行因
見此幀惜不與幾日諸公共見之雍正庚戌七夕
蟬花居士吳焯書于玲瓏簾

唐蕭悅等題名

前太常寺奉禮郎蕭悅前太常寺奉禮郎王巨

右題名在驚峰摩崖文四行左行正書徑寸餘乾隆庚子歲爲某大守磨去另刻他文此從趙氏拓本補錄按白氏長慶集載協律郎蕭悅善畫竹世無雙歷代名畫記亦稱其工竹白居易游恩德寺詩序中有蘭陵蕭悅則此題名當是長慶間

唐烏重儒題名

泉州刺史烏重儒寶歷二年六月十八日赴任過游此寺

右題名在通天洞口摩崖文三行左行正書徑寸餘烏重儒唐書無傳其官泉州刺史見何喬遠閩書但稱寶厯中任其事跡亦不載

釋達受曰此題名下爲嘉慶戊午年玉制軍題詩其下剗去第一行重儒二字第二行月十八三字第三行此寺二字

後晉冷求等開路記

天福四年己亥歲五月二十五日開此路上山作基址豎造觀音殿宇都句當興國中直都隊將冷求都軍頭李安記

右刻在下天竺摩崖文六行正書徑一寸釋氏紀
錄云天福己亥僧道翊於山間見光華往視之得
一奇香木命良工刻成觀世音菩薩像錢王常夢白
衣人求葺其居遂建天竺觀音看經院又十國春
秋文穆王世家載天福四年僧道翊得奇木前澗
斷爲觀世音法身王命建天竺道場據二書所載
天竺之奉觀音始于五代此記卽興建時開路作
也

後周滕紹宗造象題名

嵩山清信弟子滕紹宗□□右紹宗敬捨淨財于石

室內鑄造彌勒口尊觀音勢至伏爲自身恐有多劫
冤愆今生故懷伏願口不口之勝因滌累劫之債濫
時廣順元年歲次辛亥四月三日鑄記

右造像題名在靈隱飛來峰摩崖文八行左行正
書徑六分按靈隱山洞內外鑄列佛像大小無慮
千數大抵皆五代時所爲每像之旁皆有題此其
一也至元周伯琦理公巖記所言元帥伯顏載鑿
一巖石爲十佛及補陀大士之像則皆製作精巧不
若此之古樸矣

吳越造彌陀佛像記

上直都管軍都頭弟子周欽右欽謹發虔心捨淨財
口西山靈鷲禪院製造彌陀石佛一軀所申意者爲
先亡考九郎亡妣魏氏龔氏亡三兄追薦淨識口口
口口承泰亡姪女口口娘口口娘口口娘亡姪承訓
亡新婦秦二娘亡孫子口口口願早生淨土各得超
昇離苦解脫生前罪業籍此雲銷沒後冤口口口解
釋其功德今已相口口口恒口口口永充供養時已
未建隆元年三月十九日記

右在飛來峰摩崖正書十一行行字不等高五寸
廣七寸又覆刻篆書皇帝二字于上字徑三寸五

分毀去數字按上直都管軍都頭是吳越時官又
書己未爲周顯德六年而建隆元年則庚申也是
時尙未奉宋正朔何由書建隆且字迹改鑿顯然
必納土後補改以己未庚申相近遂爾書之也今
附吳越之末

宋雲林寺經塔二

大佛頂陀羅尼 經文不錄左幢

隨求卽得大自在陀羅尼呪 右幢

新建佛國寶幢願文 二幢同

蓋聞慧炬西然法雲東被眷言興建寶煥簡編我國

家裂壤受封帶河礪岳既勤

右幢作觀王

而繼世諒荷寵

以乘時言念真宗聿懷多福於是旁搜勝景廣闢宏

規築湖畔之山埤構城西之佛國莫不遐森杞梓妙

選櫟枏營崕漢之基垌列倚天之像設釋迦化主中

尊而高儼睟容慈氏彌陀分坐而淨標妙相仍於寶

地對樹法幢雕琢琅玕磨礱琬

右幢落此二字

琰勒隨求之

梵語刊佛頂之秘文直指丹霄雙分八面伏願興隆

勅祚延遠洪源受靈

右幢設雲

祝於

右幢落此二字

祖先助福禱

於攸

同

久軍民輯睦疆場肅寧宗族以之咸康官寮

以之共治四十八願永符法處之良因八十種好

右幢

落此更倍曇摩之圓智得大堅固不可稱量凡在含

生同躋覺路 天下大元帥吳越國王建西湖志衍錢帥二字

時大宋開寶二年己巳歲閏五月日二幢並同正書 靈隱

寺住持傳法慧明禪師延瑞于景祐二年十一月內

移奉先廢寺基上石幢東西二所歸寺前添換重建

立四年四月十日畢工謹題誌耳 在右幢上正書

右雲林寺門東西各一雲林寺始晉咸和元年慧

理葛洪榜曰絕勝覺場唐會昌時廢西湖志謂吳

越錢氏命僧延壽開拓建經幢于寺門左右按幢

便題字乃景祐二年延瑞于廢奉先寺移歸奉先

寺不知在何處據文有云築湖畔之山堰構城西之佛國必在臨湖之嶺而非今地明矣西湖志謂延壽建于寺門左右未讀此記也

宋郝濬等靈隱題名

太平興國三年戊寅十二月二日內供奉郝濬與知府正郎範轉運使副劉杜巡檢大保翟口戶部判官杜通理孟同至此

右在靈隱青林洞摩崖正書八行字徑一寸餘知府正郎范者接咸淳臨安志太平興國三年五月丙戌以考功郎中范旻權知兩浙諸州事初旻自

淮南歸朝上將川爲翰林學士盧多遜言杭州初復非又不可泊上乃謂旻曰卿且爲朕行卽當召卿矣旻字貴參大名宗城人見宋史本傳

宋王昭等靈隱題名

太平興國三年十二月四日與節推王昭遠錢塘尉關吉殿前承旨程□□記

右靈隱飛來峰青林洞中摩崖正書四行字徑一寸餘縣尉關吉舊志未載

宋胡□題名

太平興國三年十二月四日到此殿前承旨胡□

右在青林洞中摩崖與前三題並列左旋三行行
字不等正書字徑八分

宋劉觀察判官題名

太平興國四年正月三日觀察判官劉與諸官員遊
此

正石正書三行字徑一寸摩崖在青林洞中

宋維恩天竺靈隱二寺遊記

時神宋咸平貳歲月屆夾鐘冀生五葉有內殿崇班
瑯邪守後自彤庭奉命于浙協體量民物察俗之暇
□□□時禁閉門祇候杭郡都監西湖維恩觀覽天

竺靈隱二寺凡與勝鷲□□遊仍修流觴曲水之
□□日躋攀與事而□因刊石□識歲華□諸僧自
因書

右在飛來峰摩崖正書十二行

宋查仲道等題名

江右查仲道錢塘周世科

右青林洞摩崖正書二行字徑四寸此題無年月

按崇寧元年查應辰等續題名有後百有四年之
語此刻當是咸平二年故列于此舊志列四人
以西蜀曹山閩人孔庭訓細詳石刻非一時書而曹

孔明人俱載施郡志中今特正之杭州府志又載
查仲道字文夫寧州人嘉靖二年任杭州知府抑
姓氏偶同歟

宋咸平造像題名

清信弟子文大口先考八郎造羅漢第十一尊者咸
平三□□□□

右文四行行字不等字徑三分

清信弟子口生口口捨淨財造口八身羅漢一尊者

咸平三年二月日

右文四行行字不等字徑三分

弟子陳行口捨淨財造彌勒佛壹身伏爲四三支永
充供養咸平三年口口口

右文四行行字不等字徑三分

清信弟子高口宋捨淨財口第口羅漢口口口咸平

三年二月

右文五行行字不等字徑三分

口予周延慶造大阿羅口第五身口口三年五月口

右文四行行字不等字徑三分

口信弟子吳口口口捨淨口口大阿口口口者第一

身口口平三年五月日

右文五行行字不等字徑三分

清信弟子董延贊爲亡妻殷四娘捨淨財造大阿羅
漢者第一身咸平三年五月日

右文六行行字不等羅字下書時失一漢字字徑
三分

口口弟周延紹捨淨財造大口羅漢尊者口身咸平
三年五月日

右文五行弟字下失一子字行字不等字徑三分
清信弟子董口金捨淨財口大阿羅漢尊者三身口
平三年五月日

右文五行行字不等字徑三分

清信弟子口口恭捨淨財造口口八身羅漢尊者咸
平三年十月

右文四行行字不等字徑三分

口信弟子口像口口淨財造十口羅漢尊者咸平三
年十月

右文四行行字不等字徑三分

清信女弟子蘇氏七娘捨淨財造第十六尊者咸平
三年十月

右文四行行字不等字徑三分

弟子俞贊造羅漢一身咸平三年□□月日

右文三行行字不等字徑三分

□□弟子□照捨淨□造弟十八身羅漢尊者咸平
四年三月日

右文五行行字不等弟與弟古文通用字徑三分
弟子儲□贊爲四恩三有并妻應□乙娘造羅漢一
身咸平四年三月日

右文六行行字不等字徑三分

□□□□□□□□爲□□□造□□□漢弟十三
□□□平四年三月日

右文五行行字不等字徑三分

弟子湯川拾淨財造第十二身羅漢資薦亡考亡妣
生界咸平四年三月日

右文五行行字不等字徑三分末句想往生仙界
失書得仙二字

弟子備臣贊爲亡考七郎亡妣范一娘子造羅漢一
身咸平四年四月日

右文六行行字不等字徑三分

弟子口口道爲口口此屈妣口口羅漢一身咸平四
口口口日

右文五行行字不等字徑三分

弟子朱承贊造羅漢一身保人身位咸平四年五月
右文五行行字不等字徑三分

清信弟子口正口造第十五身羅漢尊者咸平四年
十月日

右文四行行字不等字徑三分

弟子張旺爲自身造羅漢一身咸平四年十月日

右文五行行字不等字徑三分羅字下失去一漢
字

弟子樊仁厚造羅漢一身咸平四年十月日

右文四行行字不等字徑三分

口口口子趙口口造羅漢一身咸平四年十月日

右文四行行字不等字徑三分

女弟子沈十娘造羅漢一身咸平四年十月日

右文四行行字不等字徑三分

女弟子洪二娘造羅漢一身咸平四年十月日

右文四行行字不等字徑三分

女弟子呂七娘造羅口口身永充供養咸平四年十

月日

右文五行行字不等字徑三分

越州客司戴讚保身位口羅漢一身咸平五年四月
日

右文五行行字不等字徑三分

女弟子莊五娘爲亡考莊五郎亡妣沈四娘刻羅漢
一身咸平五年五月日

右文六行行字不等字徑三分

弟子李口興爲亡妣口氏一娘刻羅漢一身咸平五
年六月日

右文五行行字不等字徑三分

弟子相福造羅漢一身保身位咸平六年

右文五行行字不等字徑三分無月口

女弟子朱王娘造羅漢一身咸平六年

右文四行行字不等字徑三分無月口壬宜作五

弟子田德口造羅漢一身保身位咸平六年

右文四行行字不等字徑三分無月口

弟子錢口福造羅漢一身咸平六年

右文四行行字不等字徑三分無月口

清信弟子慶還口口造十五身羅漢尊者咸平口年

十月日

右文四行行字不等字徑三分

口子陸承口爲陸三口口財造口漢南口口身口口
口口五月口

右文六行行字不等字徑三分

以下二十三段附於此平末

口州弟子口口宮判官元聲造口口一身口口口口

口月一日

右文五行行字不等字徑三分

慈光院僧口耶子口口造羅漢一身

右文四行行字不等字徑三分無年月

弟子周德保男佛堂造羅漢一身

右文四行行字不等字徑三分

□□□□造彌陀佛一身永充供養

右文五行行字不等字徑三分無年月

弟子唐仁□爲母親□□十六娘造彌陀佛一身永充供養

右文四行行字不等字徑三分無年月

弟子陳行善奉爲母親魏氏一娘造釋迦佛一身□充供養

右文七行行字不等字徑三分無年月

弟子錢簡□造羅漢一身

右文四行行字不等字徑三分無年月

弟子周延口造羅漢一身保身位

女弟子胡一娘造羅漢一身爲四恩三有

右文四行行字不等字徑三分無年月

弟子陶延口造羅漢一身奉爲四恩三有

右文四行行字不等字徑三分無年月

弟子喻門爲母親朱四娘子造羅漢一身

右文四行行字不等字徑三分無年月

龍興寺比丘智興造羅漢一身

右文三行行字不等字徑三分無年月

弟子黃口爲亡考亡妣造羅漢一身

右文五行行字不等字徑三分無年月

弟子汪仁肅羅漢一身

右文五行行字不等字徑三分無年月

龍興寺口口弟子姜承口口眾造口口羅漢一身保
狀

右文五行行字不等字徑三分無年月

口口口口謹造羅漢一身

右文五行行字不等字徑三分無年月

王近保一身

右文兩行五字字徑三分無年月

花勝口亡妻謝一娘子口羅漢

右文四行行字不等字徑三分無年月

弟子口口爲口口口造口口口口

右文三行行字不等字徑三分無年月

呂承惠一身陳一娘

右文四行行兩字文法顛倒字徑五分無年月

沈德昇一身

右文三行行字不等字徑五分無年月

沈暉爲亡妻

右文三行行字不等字徑五分無年月

宋張文昌等題名

皇宋景德三年正月二十二日前錢塘知縣光祿寺丞張文昌前越州蕭山尉郝知白吳山□□羽人馮德之餘杭山人盛升同游謝太守翻經遺跡刊石立

右在翻經室側摩崖正書六行字徑一寸張文昌知白舊志皆不載此題重刻梅達黃安仁同游七大字于上

景德三年仲春月□日光祿寺丞前知錢塘縣張文昌仁和縣尉日從諫越州蕭山尉郝知白吳山寓居

羽人馮德之餘杭山人盛升同游于此胡題記耳

右摩崖正書三行行字不等字徑一寸餘

宋胡承德造象題名

弟子胡承德伏爲四恩三有命石工鐫盧舍那佛會
一十七身所期來往觀瞻同生淨土時大宋乾興口
口四月日記

右在青林洞正書三行字徑一寸餘摩崖佛會一
十七身一十七軀也

又胡承德造象題名

胡承德并合家眷屬同發心刊下生彌勒尊佛親口

三身記

右在飛來峰隸書四行字徑一寸餘摩崖此刻無年月按上二刻亦同時所作

宋陸慶造象題名

清信弟子陸慶并妻李一娘造觀世菩薩一尊乾興元年四月日記

右在射旭洞口摩崖行書三行字徑一寸文書觀世菩薩西湖志直作觀音字

宋楊從簡造象題名

清信弟子楊從簡捨財造太祖第一身天聖四年二

月日立

右在玉乳洞東口三行行字不等字徑五分後人
覆刻器甬二字于上字徑八分

宋馬一娘造像題名

清信女弟子馬氏一娘捨淨財造六祖像二身天聖
四年二月日立

右在玉乳洞東口三行行字不等字徑五分後人
覆刻吳綸二字于上字徑八分末行後又刻崔興
道三字字徑一寸

宋李諸等題名

李諮劉楚鄭向史溫錢仙芝黃補天聖戊辰中秋前
二日游此

右在青林洞中倒刻懸崖左旋五行行字不等字
徑二寸餘戊辰爲宋仁宗第一改元之五年也

宋柴清臣題名

寶元己卯孟夏乙酉柴清臣來

右在青林洞中正書三行行四字字徑九分

又

寶元己卯孟夏乙酉轉運副采清臣來

蒙岑過筆義容捧硯仙參侍書

右在繡經臺下摩崖前兩行左旋字徑寸餘後二
行字徑六分

宋張奎等題名

太常寺太祝張奎拱徵太常寺太祝張觀經臣進士
何文安肅之康定辛巳口夏十日同游謹記

右摩崖正書四行字徑三寸按職官分紀太常寺
官屬有太祝實本之周禮也

宋李公謹等題名

李公謹唐卿楊泊損之慶厯六年七月十二日來
右在飛來峰頂正書四行字徑二寸

宋錢德範蒲陽僧貽孫同遊皇祐二年六月二日
右在理公巖石臺上正書左行文七行行三字末
一行二字字徑二寸許覆刻于羅漢記之上
徐間遠曰理公巖石臺上橫列懸厓刻羅山聖德
口建造羅漢記正書文左行七十九字行字不等
字約徑三分許時代年月無存磨滅者大半筆畫
皆在隱隱中其可識者九十五字餘偏旁尙存者
數字其字上覆刻皇祐錢德範熙寧時石景衡嘉
祐癸卯沈遼嘉靖二十年盛紀等題名

宋沈遼等題名

癸卯重午日王伯虎來二弟邀適偕行沈遼題

右在青林洞摩崖正書四行字徑一寸按沈遼字

一叡達錢塘人癸卯爲仁宗嘉祐八年此在宋史本

傳所載監杭州軍資庫轉運使之前題名同日凡

二處以後山題名證之知伯虎字炳之邀字善述

適字素道當時有三沈之日宋史僅列邁遼而遺

邁適惟王安石樂安郡翟氏墓志載沈扶君之男

邁邁遼邁適爲尤詳也史言遼以文章歌詩唱酬

蘇黃間不知其元王入法蘇東坡謂其學家傳師

樓鑰謂其效于楷隸諸書備古今體落筆輒爲人

爭取今遺刻僅存無有過而詢之者矣

叙達善述素道與炳之來癸卯重午

右在靈隱後山摩崖正書二行字徑一寸餘說見前跋以同日所題變文書字以備參考

宋李谷題名

治平甲辰五月七日趙郡李谷容之遊男侑奉命謹題

右在飛來峰頂正書二行字徑一寸

宋孫覺等題名

孫覺張徽 戊申十一月晦同來

一右在龍洲洞摩崖正書二行行徑二寸款字正書
一三行字徑一寸宋史孫覺傳覺以疏邵亢希旨奪
一官通判越州復右正言徙知通州是刻戊申爲熙
寧元年題名應卽此時所刻明年詔知諫院同修
起居注云

宋沈立等題名

立之中行伯敷子雍子明熙寧辛亥九月廿三日同
游

一右在青林洞摩崖正書三行字徑二寸宋史沈立
一傳立字立之歷陽人歷官兩浙轉運使後知越州

任杭時曾上神宗自著名山水記三百卷西泠巖
一壑在所品題惜皆散佚無傳是年蘇文忠通判杭
州立之爲守集中有唱和詩立之卽于是年罷去
宋蘇頌等題名

蘇頌子容蔣之奇穎叔岑象求巖起李杞堅甫熙甯
壬子二月二日題

右在龍泓洞口摩崖正書二行字徑一寸按宋史
本傳蘇頌字子容南安人父紳葬潤州丹陽因徙
居之第進士皇祐五年授秘書監知通進銀臺司
災越饑選知杭州咸淳臨安志以熙甯九年正月

之任此題在五年已先居杭矣蔣之奇字穎叔宜
興人進士第擢監察御史神宗立進副端歷諸道
轉運遂爲江淮發運由寶文閣待制河北都漕守
漕入爲戶部侍郎知熙州紹聖間召爲中書舍人
知開封除翰林學士出守汝慶徽宗擢爲知樞密
院除觀文殿學士知杭州以與議棄河湟事奪官
職卒後以嘗陳紹述之事盡復之岑象求字巖起
梓州人元祐四年爲考功郎以蘇文定薦拜殿中
侍御史文定執政徙金部郎事徽宗于王邸終寶
文閣待制續通鑑長編載元祐間言事甚多六年

六月爲兩浙轉運副使後入元祐黨籍東坡集有
送岑右作詩提舉梓州路常平時也有岑象求知
果州敕未知何時也文獻通攷吉凶影嚮錄十卷
岑象求子熙宣末閑居江陵所著李杞字堅甫事
蹟屢見續通鑑長編中熙寧七年以三司判官提
舉成都茶事初立茶法禁民私賣東坡詩茶爲西
南害氓俗記一李謂杞與稅也集有贈答詩

宋石景衡等題名

石景衡叔下杜僕升陽同遊

右刻理公巖石臺上正書左行兩行按紹興府進

士題名碑熙甯八年余中榜石景衡衍之子

朱晁端彥題名

晁美叔熙甯八年七月八日題

右青林洞摩崖正書四行字徑三寸左行

又

晁美叔遊

右玉乳洞摩崖正書左行橫列字徑五寸

朱蘇頌等題名

子容濟翁彥聖潛夫潛叔元卿平叔守道熙甯丙辰
八月癸巳自淨慈南屏下天竺過靈鷲遂遊靈隱而

歸

右在飛來峰摩崖正書二行字徑一寸

又

蘇子容李端臣蘇浩然彭志權蘇及之曹潛夫熙寧
丁巳六月初九日遊

右在飛來峰摩崖正書五行字徑一寸按咸淳臨
安志子容以召修仁宗英宗實錄趙格自越州代
之五月去任此題名將赴京時也

宋高荷題名

子勉游 熙寧丁巳下元日題

右在龍泓洞摩崖正書字徑四寸行書二行字徑一寸此題名與蘇頌二刻俱刊于宋人小記之上猶有上皇及釋子題名數十字可見舊志俱作高荷荷字子勉見呂居仁江西詩派圖山谷集云荆州人極有豪力使之凌厲中州恐不滅晁張荷蓋以詩名而兼善入法者

宋曹潛夫等題名

潛夫同德卿仲文懿老聖咨游

右在香林洞摩崖正書一行字徑四寸曹潛夫見熙寧丙辰丁巳蘇頌二題名故附熙寧後

宋李琮等題名

李琮朱明之楊景略黃頌胡援林希 元豐二年五月四日游靈鷲洞

右在龍泓洞摩崖正書六行左行橫列字徑二寸餘西湖志林希謨作熙欵字正書三行字徑一寸餘宋史李琮傳琮字獻甫江甯人徽宗朝以戶部判官使江浙後又以贊文閣待制知杭州此題名在神宗時與史不合楊景略字康功洛陽人見東坡詩元豐間以起居郎使高麗稱旨賜金紫推中書舍人待制龍圖閣知揚州徐鉉高麗圖經元豐

七年左諫議大夫楊景略爲祭奠使王舜封副之
續通鑑長編元豐六年承議郎左司郎中楊景略
爲高麗祭奠司七年試給事中朝奉郎守起居郎
楊景略爲試中書舍人

宋楊景略等題名

楊景略胡宗師范岫黃頌彭汝礪王祖道林希 元
豐己未七月十三日游靈隱洞

右在龍湫洞摩崖正書七行字徑三寸欸字正書
二行徑二寸

宋胡宗師題名

胡宗師蔡舉川同游 元豐二年七月十七日

右在青林洞摩崖正書一行字徑一寸

宋彥舟等題名

彥舟定老倬道文亨庶甫同游靈鷲洞 元豐癸亥

仲夏十日

右在龍洲洞摩崖正書三行字徑三寸款字正書

四行字徑一寸

宋陶揆題字

元祐己巳十一月廿一日陶揆來刻題名到此

右在翻經臺側摩崖小楷一行

宋吳械等題名

吳械張□彥□□龍廷實周執□吳□信周之翰
凌哲吳□潘良能陳得祿袁相石延慶錢同□張開
陳之淵范興程敦□問□許□微□□紹興壬戌同
校藝春闈

右在飛來峰之陽麓摩崖正書八行字徑二寸按
吳械宣和元年海鹽縣令見杭州府志潘良能金
華人紹興五年汪應辰榜進士秘書正字

宋查應辰等續題名

後百有四年兵部查公曾孫朝散大夫提舉兩浙常

平等事應辰察推周公曾孫承議郎通判越州軍州
事種復同遊此洞敬觀遺刻實崇甯改元歲次壬午
八月二十有八日也

右在青林洞摩崖正書六行周氏錢塘人王安石
有周氏世德碑在滿覺壠卽此周氏也又東坡年
譜元祐元年有舉江甯府司理問種充學官事此
通判越州紹郡志亦未載

宋查應辰等題名

查應辰靈口尹口微之趙回夢祥吳修敏甫庚申上
元口游 吳雍子中來

右摩崖題名正書三行行字不等徑二寸餘吳雍
一行五字似別一題也按應辰有青林續題名書
崇甯收元壬午此書庚申前爲元豐三年後則紹
興十年也

宋政和間殘題名

弟楊庭闕棠守富闕大北自闕來遊政和闕月廿

九日闕

右在飛來峰摩崖殘字五行行書徑寸餘上半已
泐

一釋達受曰此題名在飛來峰通天洞口上闕數字

一非泐也蓋元時造像其上爲匠人刻去

宋王競等題名

王競皇甫彥李問王慎修俞俟同遊 宣和四年三

月十一日

一在靈隱後山摩崖正書三行左行字徑三寸欸一
二行字徑一寸餘

宋路公弼等題名

路公弼翁端朝傅國華容吉老麥公明孟子與徐明
叔宣和五年夏四月己亥同來

右在飛來峰陽麓摩崖篆書四行字徑八寸按西

湖志引書史會要稱徐競字明叔篆法極佳路公
弼名允迪宋城人宋史宰輔表建炎三年正月自
資政殿學士提舉洞霄宮除簽書樞密院事

宋胡庭等題名

建炎戊申三月十四日□□胡庭孫文□□□□□
彥周自上天竺同過香林洞探勝至此

右在香林洞摩崖正書四行字徑一寸餘

宋連道善等伏犀泉題名

連道善鵬舉張文尉同遊建炎三年閏八月廿一日
右在伏犀泉崖正書五行左行字徑三寸餘按

樓攻媿北行日記趙州石橋洞題刻甚眾多是皆
時奉使者有云連鵬舉使金至絕域實居首選官
和六年八月云云道善或其名邪又廣州九曜石
有紹興九年二月連南夫鵬舉題名曾官廣東轉
運使後知廣州又直齋書錄有連寶學奏議二卷
寶文閣學士安陸連南夫鵬舉撰紹興初知饒州
汧禦有功及和議成南夫知泉州上表曰不信亦
信其然豈然又曰雖虞舜之十二州皆皆吾有然
商於之六百里當念爾欺由是得罪殆餽直之士
而題名書法復爾開張史雖未傳合此數刻足徵

梗概

宋韓世忠靈隱建翠微亭題名

紹興十二年清涼居士韓世忠因過靈隱登覽形勝
得舊基建新亭榜名翠微以爲游息之所待好事者
三月五日男彥直書

右題名在飛來峰半文入行行六字字徑二寸許
西湖志曰翠微亭韓世忠忤秦檜解樞柄逍遙湖
上最愛此山故建此亭邵古菴曰紹興十一年冬
岳飛死十二年三月韓公卽建此亭謝兵柄時獨
游焉按岳飛有登池州翠微亭詩曰經年塵土滿

征衣特地尋芳上翠微好水好山看未足馬蹄能
送月明歸韓當時憶岳此詩故以名亭而亦隱痛
之也亭在飛來峰半董其昌登翠微亭詩云煙迷
楊柳洲水拍芙蓉岸我憶南湖秋西山暮雲亂按
宋史本傳韓彥直世忠子六歲入見高宗命作大
字卽拜跪書皇帝萬歲帝拊其背曰他日令器也
親解孝宗卯角之繻傳其首

宋黃清真造像題名

口三主正一盟口弟子口妻正一延口保命口口口
黃清真鐫太乙救苦天尊上卷鴻休 皇宋開禧元

年二月二日

右在飛來峰摩世正書六行行字不等高四寸五分廣四寸三分

宋沈甯造像題字

御前祇應沈甯同妻徐氏家眷等捨羅漢一尊開禧元年三月初九日鐫

右在飛來峰摩世正書五行行六字高五寸廣二寸五分

宋造像題字

食飯保傳同口口口開禧元年四月一日

右在飛來峰摩崖正書三行字不等高三寸廣二寸五分

宋造像題字

嘉定元年五月六日明州比丘僧口口口年五十二歲捨羅漢一尊才身宮康泰眼目光明

右在飛來峰摩崖正書四行字不等高四寸五分廣二寸八分

宋李艮等題名

淳祐丁未立秋二日天台李艮夏紹基武夷翁孟寅金華何子舉嘉禾葉隆禮宛陵吳琪來游喜雨

右在翻經臺側摩崖正書十行字徑二寸按某隆
禮嘉禾人淳祐七年進士題名時正登第之歲宋
史不見其名氏著有契丹國志傳世咸淳臨安志
開禧元年十一月一日以朝散郎直秘閣兩浙運
判除軍器少監兼知臨安府閏十一月二日摩勒
轉朝奉大夫景定元年正月一日除軍器監兼職
仍舊二月六日除直寶文閣知紹興府惟咸淳志
作台州人此書嘉禾知咸淳志誤通志亦作嘉興
人終秘書丞錢官詹謂是科有闕雨請免瓊林賜
宴此題有喜雨之語疑李長諸人皆新進士檢通

志止隆臚一人而書郡望有武夷金華二人

宋陸德輿等題名

陸德輿載之趙興曆致道與書中甫淳祐戊申中伏
後一日避暑同來

右在龍湖洞摩崖正書六行字徑一寸按陸德輿
崇德人嘉定十年吳潛榜進士曾知寶祐元年貢
舉有理宗賜詔歷官至吏部尙書嘉興縣開國男
見至元嘉禾志與曆曾任富陽縣令與書安吉人
景定二年以兩浙運使兼知臨安府五年除戶部
侍郎並見咸淳臨安志與書孟頫之父元贈集賢

大學士榮祿大夫追封魏國公見楊載趙孟頫行狀

宋吳璞等題名

金陵吳璞吳琳眉山袁炎焱宛陵李雲龍清祐庚戌

右在翻經臺側摩崖正書五行字徑四寸

宋吳璞等題名

清祐壬子春仲之九日吳璞吳琳重偕行薛可久

右在翻經臺側摩崖正書五行字徑四寸

宋清祐題名

□□□□□□□□□□陳□□□□□□□□□□

期而不至者膠塋中沈堅刻

右在通天洞口摩崖正書六行行九字字徑五寸

宋道宗等題名

道宗用晦行甫巳未三月三日游

右在青林洞摩崖正書一行字徑一寸西湖志云

宋刻石

宋薌林洞題字

薌林

右在薌林洞口摩崖篆書無年月字徑一尺傍有
路公弼篆書宣和五年題名此二字疑同時所刻

也

欵賓臺

右在薌林洞西摩崖正書年月泐字徑八寸左右
宋人題名甚夥想當時名人雅集於此

宋王庭龍泐洞題字

龍泐洞

金華王庭書

右在飛來峰摩崖正書徑八寸已刻去欵字正書
徑一寸王庭賈似道客也見題名中庭又書林逋
墓碣今不傳

元徐僧錄等造像題名

大元國功德主徐僧錄等命捨淨財鑄造毗盧遮那
佛文殊師利菩薩普賢普□三尊端爲祝延皇帝萬
安四恩三有齊登覺岸者至元十九年八月日□授
杭州路僧錄徐□□潭州僧錄李□□

右在飛來峰摩崖正書十行字徑二寸

元楊思諒造像題名

昭□大將軍前淮安萬戶府管軍萬戶楊思諒同妻
朱氏發心施財命工鑄造阿彌陀佛觀音勢至聖像
三尊祝延皇帝聖壽萬萬歲者至元二十□年三月

丙午日吉辰建

右在飛來峰摩崖正書五行行字不等

元釋教都總統題名

功德主江淮諸路釋教都總統所經歷郭

正書下四字
徑一寸餘

至

元二十四年歲次丁亥三月

小楷書下四字

右在飛來峰摩崖在宋王庭書龍泓洞三字之左
疑亦造像題名西湖志誤作書龍泓洞者署名仍
靈隱寺志誤今分列于此

元董口祥造象題名

總統所董口祥特發誠心施財命工刊造觀音聖像

上答洪恩以祈福祿增崇壽年縣遠者大元戊子三月吉日題

右在飛來峰摩崖正書五行行字不等按總統所應卽前釋教都總統所也

元國書讚刻字

至元二十五年八月口日建功德主僧錄波沙里兼讚

右在飛來峰摩崖七層字徑寸餘末詳款字正書徑一寸末云兼讚是亦造像題語也

元釋淨伏佛國山石像贊

大元國杭州佛國山石像贊

永福楊總統江淮馳重望旌靈鷲山中向飛來峰上
鑿破蒼崖石現出黃金像佛名無量亦無邊一切入
瞻仰樹此功德幢無能爲此況入此大施門喜有大
丞相省府眾名官相繼來稱賞其一佛二佛口起模
畫樣花木四時春可以作供養猿鳥四時啼可以作
回向日月無盡燈煙雲無盡藏華雨而紛紛國風而
蕩蕩願祝聖明君與佛壽無量爲法界眾生盡除煩
惱障我作如是說此語卽非妄

至元二十六年重陽日住靈隱虎巖淨伏謹述大都

海雲易菴子安書刊武林錢永昌刊

右刻在西湖飛來峰摩崖正書十四行字徑一寸
按楊述真伽刻諸佛像于靈隱石壁而以已像雜
廁其中卽此淨伏作贊事也明嘉靖間知府陳任
賢覓得之擊其像梟其首于山下同時田汝成有
誅禿記詎知大書深刻猶有爲之頌德者蓋當時
未及見之也

元造釋迦像殘題名

□□江□□□□□特發誠心施財命工刊造釋
迦如來一尊上□報□皇恩以祈福祿增崇壽年遠

者大元庚寅歲四月吉日題

右在飛來峰摩崖正書五行行字不等

元脫脫夫人造像題名

大元國功德主榮祿大夫行宣政院使脫脫夫人
口氏謹發誠心願捨淨財命工鑄造金剛手菩薩聖像
一尊端爲祝延聖壽萬安保佑院使大人福祿增榮
壽命延遠家眷安和子孫昌齡至元二十九年閏六
月日建

右在飛來峰摩崖正書六行行字不等

元楊謹造多間天王像題名

大元國大功德主資政大夫行宣政院使楊謹發誠
心捐捨淨財命工鑄造多間天王聖像一尊端爲祝
延皇帝萬歲國泰民安法輪常轉四恩總報三有遍
格法界眾生齊成佛道者至元壬辰二十九年七月
仲秋吉日建

右在飛來峰摩崖正書七行字徑寸餘

元王達等題名

泰定五年春二月吳郡王達莫維賢葉森陸友同游
右在香林洞摩崖隸書四行字徑二寸餘按王達
吳人號耐軒居士有題王絳山水詩見六研齋二

筆莫維賢字景行好學能詩築別業于靈隱時人
比之輞川著有廣莫子集葉森字景修早從貞白
先生吾子行游古今歌詩咸有法則陸友字友仁
平江人著有研北雜志四子惟陸友書名最著同
時虞梁柯九思皆善書見吳中人物志墨史書史
等書此題名居後或卽其所書也

元楊瑀等題名

至正六年秋九月朔太史楊瑀翰林張翥謁福初上
人因登蓮花峰留名崖石從游者施維才鄭韶

右在翻經臺摩崖正書七行字徑二寸按楊瑀字

元誠杭人天歷間擢中瑞司典簿超授奉議大夫
太史院判官改建德路總管有惠政進階中奉大
夫張翥字仲舉晉寧人父爲吏從徵江南調安仁
尉又爲杭州鈔庫使因家焉累官翰林學士承旨
著有蜨港集忠義集

元趙質翁等題名

至正六年丙戌九月庚寅聞喜趙質翁夏縣樊益吉
安邑介好仁因尋三生石同登

右在靈隱繡經臺摩崖正書七行字徑二寸餘左
行趙質翁見至正三年蕭山覺苑寺興造記

元兀氏也先帖木題名

皇元至正庚寅春吉日副崇教兀氏也先帖木

右在龍洲洞摩崖正書三行字徑二寸西湖志誤
兀爲元按元史百官志至正二年江浙行宣政院
設崇教所擬行中書當理問官以理僧民之事不
書幾人此副崇教當有二人也

元周伯琦題名

至正戊戌二月廿三日浙省參知政事鄱陽周伯琦
伯溫將鎮中吳專別允若教師重游香林題名崖石
以紀歲月是日就謁觀堂菩薩慧炬篆理公新齋記

靈鷲主者友口來會從遊男宗仁宗智

右在翻經臺石壁隸書字徑二寸按續宏簡錄伯
琦子宗仁字克復官山東行省郎中篆書宗家學
然不逮其父慧炬諸暨人住理公巖洪武初海潮
衝岸壞民居廬爲潮神說三皈戒楊枝洒處卽止
不崩時稱炬菩薩

元周伯琦理公巖記摩崖

理公當晉高僧慧理師嘗燕宋焉在錢塘虎林山天
竹招提之東南玲瓏幽邃竹樹岑蔚至正九年上人
慧菴來居觀堂起廢緝甬爰闢是巖窈窕繚復郭如

堂皇雲浦雪積發滌霽蘊後七年丞綏寧楊公之弟
元帥伯顏清暇游榻挾奇樂靜捐金庀工載鑿岳石
刻十佛及補陀大士象金碧炳赫恍躋西土冀徼福
惠弼我重親利我軍旅冰釋氛沴永奠方岳岳之異
勝誕增於昔爲虎林奇觀實苴公軌行精懋有以致
之居毗號曰菩薩蓋非夸益天竹和尚允若師臘已
八十與苴同志徵文示人乃篆諸石浙省參知政事
番陽周伯琦伯溫記并書

右在射旭洞口篆書十三行字徑三寸按兩浙金
石志載云是記書于至正十八年二月廿三日見

三生石題名伯琦精篆學篇中以竹爲竺爾爲弊
深爲洩蕒爲蘊兮益爲夸溢皆根柢說文不涉俗
書者

冷泉上對聯云

山淨源澄流出冷峰靈石妙自飛來

右在冷泉亭對面摩崖行書年月泐款云濟南古
於明王錫杖題字徑八寸款字四分疑是明人字
蹟

元楊遵理公巖題字

理公巖 楊遵理書

右在射旭洞內摩崖篆書橫列字徑八寸許款字
正書字徑一寸許按書史會要楊遵字宗道浦城
人徙居錢塘篆隸皆師杜待制續宏簡錄云字宗
正元至正間人也

續修雲林寺誌卷八

遺事

貫休字德隱婺州蘭溪人俗姓姜氏風騷之外尤精
筆札昭宗以武肅錢鏐平董昌功拜鎮東軍節度使
自稱吳越王休時居靈隱往投詩賀中聯云滿堂花
醉三千客一劍霜寒十四州武肅大喜令改爲四十
州乃相見休曰州亦難添詩亦難改卽日拂袖去至
蜀以詩投孟知祥云一餅一鉢垂垂老萬水千山特
特來知祥久慕非常尊禮之

辛文房唐才子傳

秦檜旣殺武穆向靈隱祈禱有一行者亂言譏檜檜

問其居止僧賦詩有相公問我歸何處家在東南第一山之句僧令隸何立物色立至宮殿見僧坐決事立問答曰地藏王決棺殺岳飛事數卒引棺至身荷鐵枷囚首垢面呼告曰傳語夫人東窗事發矣江表記靈隱寺僧元肇號淮海寺有古松大數十圍與月波亭相對史弼遠遣人伐松淮海作詩云大夫去作棟梁材無復清陰覆綠苔惆悵月波亭上望夜深惟有鶴歸來靈隱遺事

穆陵在黼闥貴妃父良臣起香火功德院欲于靈竺下伐松供屋材淮海又作詩曰不爲栽松種茯苓祇

緣山色四時青老僧不爲移松去畱與西湖作畫屏

詩微干上遂命弗伐

山房隨筆

菌草類皆幽隱蒸溼之氣或蛇虺所生食之皆能害
人而好奇者每輕千金之軀以嘗試之殊不可曉靈
隱寺僧得異草甚大而可愛獻之楊郡王王以其異
遂進之上方既而復賜靈隱適貯草之器有餘漚一
犬過而舐之跳躍而死方知其異而棄之此事關涉
尤大癸辛雜記嘉慶廿三年九月間雲林有僧五
近之盡失所在惟見古冢上解草一叢喜甚競相採
掘烹食之凡食者無不越夕殞命至今相戒雲林前
後之靈草不可食也此毒以地漿解之
掘地作坎爲水掘潭謂之地漿飲之立愈

靈隱寺前澗水中有螺無尾有魚半焦相傳濟顛僧
過此見人釜中煎魚乞放生人知其靈異與之說偈
投水中悠然而逝螺之已去尾者放之無不活至今
尙留其跡當春水暴漲時尤多如杜陽襍編所載蛤
蚶中菩薩東城襍記圓魚大士像皆是釋氏聖跡
叭喇洞在瀑雷亭後飛來峰趾石上小竅以口就之
適如當二錢許大乾隆三十年

高宗幸雲林命侍臣吹之有聲

天顏乍啓凡鄉鎮游人來此者皆知由冷泉壩上度過
石脊其處僅容二趾以手攀石凹處試之歷久光可

以鑑

雲林前後多杪欒樹葉與花皆七出花開於夏秋之交形似玉簪幽香發越歲歲有之犬者成抱不止惡鳥相傳來自天竺國廣韻云似枕椰出麵而格物要論則以爲川湖廣及安南謂之倭羅

瘋和尙吳江人氏嘉慶二十三年往來於靈竺間左手持帚右手持鉢沿路乞食人問之未嘗一語露頂赤腳寒暑一衲人捨之食物餘者卽分與乞丐故乞丐紛紛常隨其後居中竺老人洞皈依者甚眾或告以病隨手拾花草土石煮湯食之立愈不數日洞中

成市禮拜供養衣食堆積如山錢塘邑侯宣問之驅
之出境者三卒復來移居呼猿洞仍往還於靈竺閒
人屢詢之惟搖手而笑至道光三年五月初向人乞
薪積之飯猿臺上於初九日將薪架空洞中手持香
三炷登薪上趺坐少頃復出向積薪三禮進而復坐
從香上三昧火而化矣土人葬之龍門山或曰慧照
其名

糾誤

唐盧刺史天竺寺詩詩載題名門泐中修竹掃雲霞
西湖志誤洞中待我埽雲霞今據精拓本錄入

謝靈運三生石詩丁龍柳云乃唐人圓澤事安得孫
志所載一詩康樂預詠於數百年前必有誤者白
孫徐三先生皆一代通人何不檢點耶殊不可解
又云豈以謝公此詩有似詠三生事者遂移附以
此題乎亦可笑已

丁隱君歌手中半掩青羅衣孫志中字誤巾又前度
相逢正賣文正字誤止又今來利作採山客山字
誤樵

孫志司空曙靈隱寺詩題丁龍柳云按唐詩鼓吹作
題靈雲寺又注云或作凌雲寺當再考

賈浪仙靈隱寺詩云峰前峰後寺新秋孫志誤初秋
白香山靈隱寺詩云一山門作兩山門孫志誤作一
山分作兩山門

葛洪題絕勝覺場四字至明龔勉絕字易最字丁龍
泐云絕是眾累無能攀援無有再出其上之義何
必迂拘作此繆解

陸龜蒙嘗至靈隱晤丁翰之孫志前作翰字後作飛
字

天王殿外左右兩經幢跋云天下大元帥吳越國王
建時大宋開寶二年己巳歲閏五月日誤開寶八

年又靈隱寺住持傳法慧明延珊於景祐二年十一月內移奉先廢寺基上石幢東西二所歸寺前添換重建至四年四月十日畢工謹題誌耳白孫厲三志俱誤吳越國王命延壽建於寺門左右蘇東坡立秋宿寺詩云寂寞山樓老更便更字誤漸又起看雲漢更茫然起看二字誤口舌

清涼居士翠微亭題名榜名翠微孫志名字誤云以爲游息之所所字誤地三月五日五日二字簡空未刊男彥直書男字上加一立字

又東坡游靈隱寺詩最愛靈隱飛來峰孫志愛字誤

後又高松高字誤喬又擾擾下笑柳與蒲擾擾字
誤擾擾又清風徐來驚睡餘徐字誤時又歸時棲
鴉正畢通畢字誤早又孤煙落日不可暮暮字誤
通又我在錢塘六百日誤百六日

張大甫二十棄家游名山晚入開元宮從真人王壽
衍爲道士孫志壽字誤紫

古澗窪泉記明具瓊撰孫志具字誤具

元氏也先帖木題名至正孫志誤至王

厲志節重生武林山辨宋清熙志下失言漢書三字
又小山明矣下失去夏公斷以靈隱後山北高峰

爲武林山矣十六字又乃以靈隱山飛來峰二山
靈隱二字誤武林又飛來峰爲武林山是似矣武
林下失去一山字又萬厯志皆不列武林山而以
靈隱山下注一名武林山失去下注二字凡都邑
都字誤郡又蟻蛭蛭字誤垵又發於東晉其先秦
失去其字又慧理既來以後有飛來之名焉有靈
鷲之名焉有靈隱之名失去焉有靈鷲之名六字
又焉有天竺而後三竺之名失去焉有五印度而
後有中竺之名十二字五雲雙檜檜字誤桂又又
後之瀝觴也失去一之字又盧襄西征記杭地北

環天隱天字誤靈又且求武林山者失去一求字
又若爲靈隱山爲武林山靈隱下多一寺字又若
以飛來峰爲武林山若字下多一惟字當據西湖
志校補

孫志引郭葛武林山志過秦望蜻蜓二山丁敬身云
雍正間人於秦亭掘得唐代于府君墓磚其銘詞
有大墓高岡新亭之陽乃知此山古名新亭秦亭
蜻蜓聲之轉譌耳此磚今藏皮市符氏厠樊榭有
詩見集中

禪祖補遺附

慧理禪師塔銘

虞洎熙

理公本靈山羅漢垂跡晉咸和間鷲飛猿騰先來震旦公錫後落飯而問之誰摘陶輪若猶磨礧會物不遷乃歸院焉宋之靈隱寺也俄窺神足圉相望周開寶三載崇爲方墳直清繞橋在式公新開澗上青鳥氏曲鈴回龍則凡骨偕入塔矣萬厯丁亥夏雨夜圯庚寅春釋如通被穢新之檀者程理于時崩石洞扇公所肩身可撫也當期觀史下生乘鷲呼猿而回龍華乃稱回龍哉梵網戒眾虞洎熙庸作銘辭銘曰石燕拂雲嶺鷲入吳公錫于飛猿心可呼安安而遷月

運雲駛生滅毀成亦復如是謂公蓋疎雖足與夷謂
駘蓋傾壑與支橋搖鳥驚拱積星凝骨妖斯濯黑
囊虛似如梵天宮乘往當來南紅潤影不驚不摧明
萬曆十八年歲在庚寅仲春望日白下弟子程理書
晉三藏法師行狀不重錄贊曰
一峰飛來自西而東師亦戾止爰指其踪呼猿洞冷
宴坐巖空花開花落幾度春風

隋下竺觀法師

師名眞觀字聖達錢唐范氏世本顯仕師生有奇相
舌紫羅紋手左右掌爲仙人字出家通經律論時彥

日錢唐有真觀佛法當天下一半尋謁天台智者請
受禪觀智者以師齊年止爲法兄弟開皇十五年於
靈隱山頭陀石室宴坐眾於南去建南天竺寺請師
居焉是爲開山始祖常講法華以爲心要感暴亨神
請講捨祠宇爲佛殿每盥洗餘滴地不爲濡人尤異
之師有雅操文帝三徵秦王兩延皆以疾辭大業中
因山行自標葬地未幾示寂夢與智者同輩翼佛還
山覺而歎曰吾六十二應終以講法華力延一紀今
七十四生期畢矣中夜入寂塔在東岡久廢不治天
祐中慈雲重修贊曰

一乘妙法開自台祖年齊道同宜襲其武微命頻繁
弗移砥柱清風凜然可激千古

中竺千歲和尚

師名寶掌中印土人魏晉間東游自云六百七十三
歲周威烈王十二年丁卯生左手握拳有珠在掌中
因以爲名始抵峨嵋五臺南返衡廬入建鄴與達磨
遇於梁朝遂扣法焉泊來二浙愛天竺之勝結茅而
居者四十五年復往四明天台及諸名山游歷將遍
唐貞觀十五年還竺峰久之移居浦江寶巖顯慶二
年正旦手捏一像九日而成與其貌無異卽告徒曰

吾誓住世千歲白來支那忽四百歲今已過七十有
二年矣說傷面化世稱千歲和尚遺記滅後有僧來
取吾骨勿拒越五十四年刺浮長老至彼作禮塔戶
條開得其骨皆連鎖金色因持來別建塔藏之爲中
竺開山始祖贊曰

人壽幾何朝露逝川生周涉唐本誓則然東遊達磨
心印始傳教云佛法乃在西天

唐下竺陳法師

師名道標富陽秦氏七歲神氣清茂有沙門過而識
之勸令出家至德二年詔通佛經七百紙者命爲比

耶師首中其選得度居南天竺寺護戒甚嚴永泰中
住持公時寺額居十二年其徒多歸之嘗於鷲嶺峰
之南面創下葺茅爲堂號西嶺草堂怡然養浩不干
人事凡工詩章搜鍊精巧與吳興皎然會稽靈徹鼎
立齊聲時人有洞冰雪摩雲霄之譽稱西嶺和尚一
時名公如李益白居易陸羽之流皆敬之長慶三年
示寂葬于山中贊曰

出塵異相挺見垂髫業真空法怡然養高適意吟咏
配雅與騷名標當世可摩雲霄

唐圓澤和尚

師名曰澤居慧林與洛京守李源爲友約往蜀峨眉
禮普賢大士師欲行斜谷道源欲泝峽師不可源強
之乃行舟次南浦見婦人錦襦黃鬋汲水師見而泣
曰吾始不欲行此道者爲是也彼孕我已三年今見
之不可逃矣三日浴兒時願公臨門我以一笑爲信
十二年後錢唐天竺寺外當與公相見言訖而化婦
旣乳兒源往視之果笑尋卽回舟如期至天竺當中
秋月下聞島洪岸有牧兒扣角而歌曰三生石上
舊情魂實月吟風不用論慚愧情人遠相訪此身雖
異性常存源知是師乃趨前曰澤公健否兒曰李公

眞僧上志我與君殊逢切勿相近唯以勤修勉之又
歌曰尋劍時夜事茫茫欲話因緣恐斷腸吳越江山
時已過南浦煙柳上瞿塘遂去莫知所之贊曰
東溪自稱無類是有機先一語洞達三生汲異事異
扣角詩自本懷陳跡山空月明

唐吳光禪師

師號鑑光莫詳族里穆宗時結茅於靈隱西峰巢梅
塢與烏窠林公爲友刺史白居易重其道嘗具饌飯
之以詩邀云白屋炊香飯輩類不人家漣泉浴葛粉
洗手撥塵花青芥除黃葉紅蓮帶紫芽命師來住

齊罷一甌茶師答云山僧野性好林泉每向巖阿枕
石眠不解栽松陪玉勒惟能引水種金蓮白雲乍可
來青嶂明月難教下碧天城市不堪飛錫到恐驚鶯
啼盡樓前其高致如此菴以師號得名宋丞相陳公
亮佐留題菴中宸唱者甚眾紹興中宗正少卿馮楫
作修菴記贊曰

道藏於身所存異轍或入市鄣或居深樾翳翳巢枸
牧守折節豈曰燄光若揭日月

宋明教高禪師行狀不重錄贊曰

閉戶著書引古述今披誠帝闕真氣森森名馳海宅

道振禪林百煉不耗斯表精金

行者喜禪師行狀不重錄贊曰

上皇御山五臺遭賣既見仰山何勞緣飾物罕爲奇
客類招搖咄咄文殊草賊自敗

以上俱見高僧事略

宋道濟和尚塔復向碣

梁同甫山舟

和尚名道濟宋紹熙三年降生於台州李氏出家初
參昭堂遠公不爲禪律所縛遂以顛傳往來於靈鷲
慧日兩峰間者且六十年圓寂於嘉定二年五月十
六日南山定慧禪寺和尚茶毗所也卽藏骨於其西

爲宰堵波歲月既久草交石泐 大清乾隆元年善
男子邱文晉善女人王氏欽師之行重加修治誤改
塔居舊向識者惜焉越二十餘年南屏住持明中插
草倡緣得京師潭柘院主琮璋爲之募資復定庚山
甲向遵古兆也屬佛弟子梁同書書年月於碣同書
惟常住不壞是謂法身五通十力是謂報身石塔無
縫藏此色身後事因緣莫非化身常寂光中無相無
身遊戲三昧現自在身願師願師圓滿十身自今以
後盡未來際又添卻一重公案矣時乾隆二十有六
年歲在辛巳冬十月十又八日

石揆

石揆諱暉二僧皆南能教也石揆參禪諱暉持戒兩人各不相下諱暉住杭州靈隱寺香火極盛石揆謀奪之會天竺祈雨石揆持咒召黑龍行兩人共見之以爲神諱暉聞知卽避去隱雲棲最僻處石揆爲靈隱長老垂三十年身本萬厯孝廉口若懸河靈隱蘭若之會震動一時有沈氏兒喪父母爲人傭工隨施主人寺石揆見之大驚願乞此兒爲弟子施主許之兒方七歲卽爲延師教讀兒欲肉食卽與之肉兒欲衣繡卽衣之繡不削髮也兒亦聰穎通舉子業年將

冠矣督學某考杭州令兒應考取名近思遂取中府
學第三名月餘石揆傳集合寺諸僧曰近思余小沙
彌也何得瞞我入學爲生員也命跪佛前剃其髮披
以袈裟數名逃佛同學諸生聞之大怒連名數百人
上控巡撫督學僉道姦僧敢剃生員髮援儒入墨不
法且其有項霜泉者仁和學霸也率家僮數十篡取
近思爲假辭以飾之卽以已妹配之置酒作樂聚三
學弟子員賦催妝詩作賀諸大府雖與石揆交而眾
怒難犯不得已准諸生所控許近思蓄髮爲儒諸生
猶不服各洶洶然欲焚靈隱寺毆石揆大府不得已

取石揆兩侍者各督十五羣怒始息後一月石揆命
侍者撞鐘鼓召集合寺僧各持香一炷禮佛畢泣曰
此予負諦暉之報也靈隱本諦暉所住地而余一念
爭勝之心奪之此念延綿不已念已身滅度後非有
大福分人不能掌持此地沈氏兒風骨嚴整在人間
爲一品官在佛家爲羅漢身故余見而傾心欲以此
坐與之又一念爭勝欲使佛法勝于孔子故使人學
以繼我孝廉出身之衣鉢此皆貪嗔未滅之客氣也
今侍者被杖爲辱已甚尙何面目坐方丈乎夫儒家
之改過卽佛家之懺悔也自今已往吾將赴釋梵天

王處懺悔百年纔能得道諸弟子速持我禪杖一枝
白玉盂鉢一箇紫衣袈裟一襲往迎諦暉爲我補過
羣僧合掌跪泣曰諦暉已逃出三十年音耗寂然從
何地迎接曰現在雲棲第幾山第幾寺戶外有松一
株井一口汝第記此去訪可也言畢趺坐而逝鼻垂
玉柱二尺許羣僧如其言果得諦暉沈後中進士官
左都御史立朝有聲謚清恪雖貴每言石楔養育之
恩未嘗不泣下也

諦暉

諦暉有老父惲某常州武進人逃難外出披甲有兒

年七歲賣杭州駐防都統家諦暉欲救出之會杭州
二月十九日觀音生日滿漢士女咸往天竺進香進
窠隱必拜方丈大和尚諦暉道行高貴官男女膜手
來拜者以萬數從無答禮都統夫人某從蒼頭婢僕
數十人來拜諦暉暉探知瘦而纖者憚氏兒也矍
然起跪兒前膜拜不止曰罪過罪過夫人大驚問故
曰此地藏王菩薩也託生人間訪人善惡夫人奴畜
之無禮已甚聞又鞭扑之從此罪孽深重禍不旋踵
矣夫人惶急求救曰無可救夫人愈恐告都統都統
親來長跪不起必求聞一線佛門之路諦暉曰非特

公有罪僧亦有罪也藏主來寺而僧不知迎罪亦大矣請以香火清水供養地藏王入寺綏綏爲公夫婦無悔并爲自己懺悔都統大喜布施百萬以兒與諦以諦暉教之讀書學畫取名壽平後卽縱之還家曰吾不學石揆癡也後壽平畫名日噪詩文清妙人或問惲沈二人優劣諦暉曰沈近思學儒不能脫周程張朱窠曰惲壽平學畫能出文沈店仇範圍以吾觀之惲爲優也言未已以戒尺自擊其頸曰又與石揆爭勝矣不可不可諦暉壽一百零四歲

按墓志云壽九十九歲

以上見浙齊譜

巨壽和尚塔銘

聞人儒

天下非常之人始建非常之業必有非常之德斯享
非常之名往往信而有徵殆非虛語雲林巖洞之幽
秀澗泉之清冷洵屬奇觀甲諸宇內自應挺生間氣
鍾毓奇英或不爲

國家棟梁卽爲禪門上乘稽之古牒厯代正法眼藏
總持宗教如明教佛海諸大老樹幟於前具德諦暉
諸禪宿超絕於後比靈山之鎔鑠川是不熄然道場
之興復時會之遷流皆乘除因緣遭際於其間各有
所殊未可同年而語也惟我巨壽大和尚本偉丈夫

乘奮迅之力矢真實之心覺行圓滿醍醐蜜諦故能
上承佛祖下建巨功荷

聖主之恩施繼講堂於鼎盛今者聖鑑既掩靈塔巍然
嗣法弟子玉山琳公在瞻元公等抱心喪於無窮思
表彰之有自乞序行狀揚訖萬一蓋銘者記死之文
也記死之文貴其信斯愈於生蓬居侍師久稔悉其
生平梗概何可不質言之按師諱義果字巨濤潤州
丹徒人姓章係望族後裔母陰氏感靈異而姪誕之
日光香滿室幼卽穎悟長復岐嶷性孝友和粹惟見
淨圓輒喜若有宿根然年十一依含暉尊宿學出世

法苑珠林山朝夕禮觀音像操行甚虔定慧日生凡
六時內觀不特了徹塵義抑且耽嗜風雅博涉羣書
太守涪洲陳公見而心賞甚器重之後從遊遂稱大
室弟子學益富名噪祇園與交者皆當代賢士大夫
逮父母繼亡經營宦家遂畢志參方走齊梁宋趙間
卒詣京師受具酒石山德彰和尚念力彌精勤矣未
幾南還聞雲林宗風丕振誦公爐冶精嚴頗持苦行
執持直指堂下初命掌記典參三不是句研窮匪解
音極斯通徹底掀翻一超直人卽呈偈云一擊敲開
海底天摩摩利利盡歸源當陽拈出無私句鐵馬嘶

風躍九淵諦公領之自此機鋒峻利心心相印服膺
九載不釋語稱力行不怠者非欺際旃歎香積缺如
願救時灾涉江淮廣募以濟不給或遺大投艱必奮
往爭先刻期解紛其不顧利害不恤顛危類如此雍正
三年親受諦公記荊當諦公圓寂惟師誼篤伯仲
願總院務以匡扶中間鳩庀之功興復宏整咸推師
力不少師則勞而不伐自視欣然有足多者既而盤
錯既經松柏乃見遂開法於雍正十年復補住於乾
隆三載於是重闢規模另開生面俾鸞嶺飛來之瑞
理公閎建之堂繼跡而聿興眞所謂寶鐸含風響徹

天外聲聞不脛而走宜四方碩德川委雲從恒滿座
下食指動以萬計仁之入人深者固不在形勢求耶
其時光祿汪公應庚以舊緣好施復將百廢頓舉聳
金碧於琳宮蔚雲霞於鹿苑論者謂自具公重興而
後竟繼祖武惟師一人豈不偉哉十六年春恭遇

翠華南幸師跽迎

鑾駕奏對稱

旨蒙寵錫

宸翰并

御製雲林方丈懋詩師應制恭和

原韻進呈

天顏嘉悅

欽賜漏翠披雲圓額竝帑金五百兩衣緞荷包香茗有加無已誠千古得

君之遇恩施優渥未有盛於此者十八年夏五月犬眾乏糧師率眾冒暑出山舟次平望偶示微恙急命返棹於十八日還山卽集眾訣別固自知彌留之期者香焚盟畢從官取筆書偈數語端坐而逝是日陰晦雲翳芳香繞戶庭花風散林鳥絕聲其感於物者又甚神於戲珠藏澤媚玉韞山輝理有必然鐙傳續燄

師之立念極人力之難能者卒如願以償又值坎廩而不迫於維持將數百年之鐘板依然猗歟休哉何其德之隆耶此其因緣遭際之殊殆天假之非人力也然則非常之人非常之業舍師其誰與歸乎師壽六十四僧臘五十三法臘三十一前後主席雲林共十有九年度人無量眾得法乳者二十三人所著語錄若干卷薈草行人詩集若干卷行世茲奉全身於慧日塔院其生也高行大度其歿也白日青天良可銘也銘曰明明者德鬱嶽者形持身出世覺性長惺勤勞卓犖提唱祖庭和粹外標淵懿內朗叩之則鳴

底蘊悉暢胞合真如道行彌廣爰爰靈山南運受具
領要醍醐飽參法乳立願恢宏仔肩艱巨鳩庄雲興
重新刹宇心印顯跡超古越今奏對稱

旨照耀叢林仰頌

聖德尚祝

重臨五鏡續饒萬祀悉欽所聞者道所建者功功深道
振雲委景從清操刻苦無我無人實心度眾撒手歸
真回通永曜不滅貞珉慧日鑒塔神爽憑焉莫高匪
山莫浚匪泉明月在澗白雲在天無上妙義直指勿
刊時維

大清乾隆二十三年歲次戊寅夏六月上浣 吉日

副法門人

瑞林 德琳 德溥 如滿 徹源 宣德

德球 德璧 德語 德嗣 覺聰 德元

自定 心堅 德明 道源 德照 德如

隆明 恒水 常昌 宣信 德樹

全閤院大眾等 立石

傳臨濟正宗第三十五世雲林在瞻元和尙塔

銘 有序

師諱德元字在瞻號耐亭吳興潯溪丁氏子生而端

靜風采不凡總角卽禮雁山妙智寺西嵐禪宿爲驅
烏入塾肄業屬句傲書恒度越餘子一時名流爭相
刮目焉年二十受具戒於餘不之覺海寺歸而嚴淨
毘尼晝夜六時精勤念力暇則神游典籍杜門宴寂
卽有叩戶者僂不爲轉也旣而忽憬悟曰文字非究
竟法出家兒當別大事可不求諸遂杖筇辭師參先
師傳草老人於鷲峰之下老人一見器之俾充執侍
妙密紺惟惟師克辦背心不違終食日征月邁參究
累載眞積力久將有所得一日問老人舉萬法歸一
公案恍然契悟獲印可也然師每持毖慎不露圭角

願居學地透盡淵微乃證不染不遷之域乃泯差別
次第之門匪上智宿根能至此哉得法之後服勤有
年歷充庶職輔弼叢林識大體謹細務任勞任怨不
亢不隨故一眾秩秩恒以老成日之歲庚午出世於
華亭船子道場進院次僧堂問寂師住未幾學侶輻
湊檀護歸崇乃於垂機化物之餘復營土木鼎新山
門並天王殿而西林舊面於奘然改觀矣唱導三載
漸欲化成會老人有助之呼師卽橫肩榔栗退返鷺
峰過雁流雲曾不少留顧戀應緣解脫有如此至癸
酉夏老人示寂眾議住持同門曲爲一筵師獨毅然

面起乃獲先繼席焉提策方來不務緣飾赤心自行
爲法爲人從此道風遐布縑素雲歸一時賢士大夫
交相許可故方伯葉公呵護孔嚴又以法喜召師兼
攝此其因緣作合爲何如視彼包苴暮夜詭遇終朝
者顧不可少風範一世耶二十二年春恭遇

翠華再幸師率眾踴迎

鑾輅卽荷崇

顧問奏對從容上協

天心重沐紫衣之

寵錫並佐以帑金衣緞荷包

恩賜疊疊人爭榮之師則不以自銜意漠如也卒因維
摩善病欲息勞肩謀之於眾乃投艱大於禹兄而自
此石門掃軌屏絕諸緣惟以泉聲林影自娛永作終
焉之計又可謂之知微善退歟爰記其時則在己
卯春之二月也越明年庚辰秋疾復作師知化緣將
畢誠門弟子尅日營建窰堵百事具備預定歸期力
拒醫藥終日危坐不交一言至十五早果索浴更衣
委順而化師誕生於康熙庚子七月廿八入滅於口
乾隆庚辰九月十五閱世四十有一坐夏二十有四
三坐道場得法者若干人得界者若干人歸依者幾

千眾塔全身於天聖院之左正面蓮峰之下按師生
平內性耿介外則坦夷與人易親逢強不弱不矯情
以立異不逐物以邀名又能嘉與後進善誘多方喜
臨池嗜諷詠然只以自娛不輕炫耀所有上堂小參
示眾拈頌等語先是門弟子將欲梓傳師以爲一大
藏教言言見諦句句朝宗後學初機尙不一覽刊此
區區奚爲盡付丙丁不留隻字惜也今日無以問世
惟師三坐名藍播十載之清風

賜一朝之紫服光明又伊誰得而抹卻之也哉師歸藏
後諸門弟子等乞予銘其塔顧予不文言之莫能行

遠然辱在同條知之最稔若不直爲表彰竊恐一生
美盛久而無徵抑有後賢聞風而起者將何考鏡而
致景行之懷歟用是敢忘固陋序而銘之銘曰熊熊
香象毓於潯溪截流而渡爲法羽儀嚴操冰雪早證
菩提了得一統萬法咸歸萬有朗融卽心是佛出世
西林垂機化物繼住鷲峰宏揚祖道響震威音驚聾
啟瞶門開甘露碩大無朋紫衣

寵錫

聖遇何隆匪師之獨有光於宗吳山楚水花雨香風夫
何秋晚彫此覺樹本無生滅示有來去不來不去法

身常住奕奕光明燈傳萬炷巍巍窳堵壘所憑兮玲
瓏八面維山之西蓮花作供白雲爲侶千古萬古瞻
之仰之時維乾隆二十七年歲次壬午仲秋月上浣
之吉黃海同門弟宜信槃談謹撰并書嗣法眾門人
洎法孫等仝立石

研庵和尚住持雲林本末

釋達受

六舟

研庵和尚法名儀謙字見能浙江桐鄉沈氏子父諱
文相母李氏生於乾隆乙未年七月二十日自襁褓
卽厭葷茹髫齡不爲兒戲旣就外傳讀書聰慧尊父
云此子夙具善根可捨爲佛子卅歲遂依仁邑法海

禪院嵩年老和尚剃度旋受具於

聖因寺中立老和尚座下細究毘尼精參內典嗣後
遍歷諸方尋入雲林爲記室禪課餘暇工寫山水可
登巨然之堂因禮德山老和尚眞傳衣鉢凡寺中首
領之職無不紀綱嘉慶二十一年丙子秋眾推繼主
祖席是年適遭祝融之災由觀音閣延及

行宮以及大殿於是誓卸院事叩募十方是時德慧
嗣之甫八月儀清嗣之而師方適楚購木不辭勞瘁
辛蒙撫憲楊公具奏後於二十三年戊寅嵯憲廣公

入

覲

召

垂詢

天語丁寧

頒給帑銀萬兩於是年冬命住持儀清鳩工重建未幾
儀清卒時邑侯宣公以師功行懇誠辛勤備至俟師
自楚還歸仍命銷假重興土木至道光八年工程告
藏殿堂廊廡輪奐一新而師心力亦憊卽告諸檀越
洎兩序大眾云我今復住又及十載精神困乏可選
眾中舉充此任大眾怏怏而退繼復具稟邑侯

批云該僧勞積居多入爲上憲嘉尙若因工竣退院
何能卽邀憲允仍照舊住持方丈爲囑是年冬沈太
史聽簞囑受協修雲林寺志釐訂之暇爲師粗陳梗
概如此

小緣天庵主曰研庵苦志清修事經百折而卒能
成其願人爲之邪抑天爲之邪至於功成身退轉
勿能遂其願其福正未有艾矣

定光閣記

陳樹著

定光古佛者崇慧大師長耳相之眞身也按師俗姓
陳名行修號性眞泉南人唐景福元年正月六日母

夢吞日而生異香滿室少而穎異長而過目成誦旁
及內典幡然欲游方外至金陵瓦棺寺遂祝髮受具
焉去參雪峰禪師得心印再游天台國清寺川苦行
力後梁間平閒至四明山中獨棲松下又跏坐龍尾
巖結茅爲蓋坐磐石當膝處成坳後唐同光二年至
杭之西湖南山喜其後塢依石爲室禪定其中嗟夫
大師一生所遊非一處皆有奇祥異跡非所謂觸而
不亂至而能應不仕於相如如不動者乎吳越王以
誕辰餽僧自永明禪師者亦異人也王問今日有真
僧降否永明日長耳和尚乃定光應身也王趣駕參

禮稱師爲定光出世師默然但云永明僂舌跏趺而
化宋崇寧三年僧司以事聞賜號崇慧大師建寺於
南高峰之麓名曰法相寺凡瘵疾疫與求嗣者禱趨
之無不應後爲金兵火燬因寄像於雲林迄今數百
餘年矣歙人候補知縣程鍾字葭應者忠信醇懿好
善樂施捐建普濟堂于淮安四方無告之民賴其資
育者甚眾其他益民生之事捐施樂助者不可勝紀
乾隆丙寅偶過雲林見佛像而深敬謂不可以側處
也遂捐資囑主僧儀果建閣而專奉之上與像稱四
方瞻仰之士莫不悚然起敬今已巳春程君復過武

林厥功告竣因請記於余余於內典素不究心但觀孔門諸賢莫不各有耑祠及至聖殿而兩廡之下七十二賢無不畢集焉今雲林爲諸寺之冠則諸佛之畢集於雲林非猶諸賢之畢集於孔廟乎余膺

簡命來浙每游兩峰三竺間且見定光古佛蹤跡於本傳茲因程君之請舉其略而記之非謂深知梵教闡揚其說爲禪門添一重公案也

巨濤和尚薈草行人詩集序

沈廷瑞

序

達磨東渡不立文字禪直參宗旨朕自白馬馱經如來與須菩提問答莫非藉是以傳道而覺世禪教有

頓悟積漸卽吾儒之尊德性而道問學二者何可偏廢然非徒向花蔭王文翰爲精修上乘也巨濤和尚潤州齊家子生秉風因髻齡祝髮于焦山時邵守滄洲陳公世史謫寓焦巖巨公獲與游陳乃心賞其妙年好學不吝指授遂爲入室弟子禪誦之餘討論古今究習風雅旣得其要領學殖漸益閑肆偶涉吟咏燦然成章攻苦勤習彌覺精進豈泛泛胸無底蘊徒拾他人唾餘獵取名譽者可同日語耶巨公積年苦行雲水參學遂得綱宗提正印持白椎主雲林法席皈依數萬指宏開覺路大開宗風得正法眼藏願力

深長入天廣助千年大利魏煥增觀是其德和尙與
晦公諱公之後繼起一人也予忝交有年茲來雲林
游眺匝旬問一索觀詩挾氣味清古風調雋逸無掛
嘲習時時天真流露不假雕鏤蓋以性稟孝友篤師
傳尙友朋氣誼纏綿悱惓惓懇懇詞句之工不期
狀而狀者而益知其指韻琢句迺其餘事耳其生平
樂與文人墨客遊而癖嗜山水名區勝槩流連不忍
去以是集中多登臨酬唱之作慧遠開白社于東林
不外陶謝少陵之于贊公齊己曰繫之于無本大顛
東坡之于子元佛印蓋諸君子樂與方外交而諸禪

侶亦未嘗不見重于文人士夫也吾于巨公益信然
矣豈僅以詩名傳哉乾隆七年歲次壬戌桂秋月
宣城八十七叟拜手序

品述八遺藁序

張雲璈簡松

東坡贈惠通詩云語帶煙霞從古少氣含蔬筍到公
無語人口頗解蔬筍語否謂無酸餽氣也夫以蔬筍
爲酸餽坡之言亦不達於理矣僧詩而無蔬筍氣則
思必出位語必離宗不惟五行八正之行無所闡求
卽四始六義之蘊亦同外道嘗見世之披紫衣持金
鉢卓錫名山而游心塵世膠膠擾擾無異凡流下此

武結緣於豪門貴室藉鯨魚梵唄以帝布地之金者
比比然矣此其人未必知吟咏卽有吟咏亦不過供
官設客之緒餘塵襲塗飯豈復有蔬筍之味在其胸
次也品運上人高行澄澈詩雖不多皆清絕滔滔意
在雲表煙霞之氣縈繞筆端何處更容埃壘此正蔬
筍味也蔬筍味之清而腴者也予嘗襍被入山止於
野人之家煮葵燒筍以爲供引羹御飯如享太牢坡
公種菜詩序云味含土膏氣飽霜露二語蓋深得蔬
筍之真者卽以論上人之詩誰曰不宜豈酸餽之謂
哉上人既寂弟子將謀諸梓介余戒好屬爲點定既

卒業爲識於簡端惜乎未嘗一坐已公茅屋同論詩
於茶瓜松簞之間也道光癸未三月謹